

5

T 3210/1432.83

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 10 1941

平湖縣志卷二下

哈佛大學漢和
圖書館珍藏印

平湖縣知縣候補同知王恒修

建置 官舍 坊表

官舍 按官舍昉于靈壽縣志凡官為蓋造者並列焉若同善會放生河等雖先經民建例得概書

便民倉嘉興府柳志叅程志初析縣時巡撫成均置倉郡城

正統六年巡撫周忱行縣見西林寺基隙地檄令知縣李義

設立囤戶收糧後因德清教諭戴昇程志作奏准移倉于縣

治西一里二百步即寺基成化十年縣丞梅清建官廳門樓十

六年縣丞田仁蓋倉廩七十二間嘉靖三十四年倭警知縣

劉存義佃北城姚椿地改置曰便民倉正廳三間倉廩八十

七間大門三間皆東向朱志

國朝康熙十年知縣陳孚宸重建廩房一百八間是年始行官收官兌法

高志纂十八年署知縣朱祥麟重修從陸榮碑記補入文闕不載雍正四

年知縣楊克慧添建廩房四十間乾隆三年知縣王之琪添

建廩房十間按兩次添建高志載在常平倉下張志七年知

縣高國楹添建廩房三十三間三十三年知縣周昭仔添建

廩房九間新纂五十年知縣王恒墊漕費錢並捐俸銀四千

兩有奇重修王恒重修碑記平邑便民倉建自明嘉靖乙卯越戊午歲又為增置迨我

朝康熙己未茗溪少尹祥麟來署是邑嘗重建倉廳邑人翰

林陸公榮為之記闕令已九十餘年矣未有從而葺治之者

余於乾隆乙巳自慶元量移茲上下車始閱視倉廩几牆宇

棟柱堂堦廊廡之屬皆岌岌欲倒謀重修之計功非六七月

不成非數千金不辦因漕期既屆未便遽議興修乃稍加聖

勦畝側處以堅木支之幸告無恙得蕝事丙午夏余念貢賦

重地工程雖鉅烏可積歲因循聽其隳壞乎緣勉力籌畫罄

所積俸廉鳩工庀材自頭門及左右倉房百有餘間并廳事

內屋土穀神祠概為修理煥然一新始七月上澣迄九月下

澣落成糜銀四千餘兩土木髹漆雜作等工凡六千三百有

奇自茲以後可無傾圮之患嘻余豈好事而喜功哉蓋以

之所重在農而農之所尊在貢賦當我稼既同之後凡納總

納程必鄭重保護以俟衛所輸挽雖儲待不過數

朝廷

朝廷

職則吾豈敢倉制大門三間儀門三間倉廳三間土地堂

三間大廩一百八間上區天地字大廩各二十五間下區元

大廩各小廩一百二間上區北字小廩二十八間下區南字

四間小廩九間新字小廩九間建字小廩三間廳南盈字小廩八

間豐字小廩七間年字小廩九間宇宙廩旁東字小廩四間

預備廩白糧碓坊一十間倉廳出串所一間驗串所一間坊

書房一間廳後駐宿房六間耳房三間廚房三間週圍圍牆北有濠池

常平倉程志凡四所一在西門外徐婆橋一在廣陳一在新

帶一在乍浦每所基四畝明萬歷二十四年知縣黃焯建府劉志作吳文

英朱志三所俱廢止存西門外基一畝九分一釐按實在西倉橋西新纂康熙

十八年知縣張鳴遠重修乾隆三年知縣王之琪添建廩房

十間六年知縣董懿添建廩房十間按三知縣前志皆失載倉制大門

一間儀門一間倉廳一間廩房三十三間東西廊廩各五間倉廳旁廩三間大有字

廩各一耳房一間

十間永備倉張志在乍浦東門內滿洲教場西乾隆六年知縣董

懿建大門五間正廳三間廩房三十二間

社倉新纂乾隆二十五年巡撫楊廷璋奏立知縣李納壁建

凡五所一在治南南寺廩房一十一間分編天地字日月一盈列為善最樂

在乍浦西門內廩房一十間分編帝德乾坤大皇恩雨露深一在新倉鎮南

廩房四間分編開善廣恒一在新帶西市生員陳錫祚弟兄捐且圩基田三畝五分六釐六毫

廩房四間分編繩葆元斌一在青連寺廩房三間分編應敬鳳

預備倉嘉興府柳志凡二所一在廣陳元為際留倉明洪武

二十三年重建改今名後廢一在治東半里正統六年刑部

員外劉廣衡等奉勅建朱志後改作羈候所名倉監久廢

按是倉儲穀備賑故名即常平之意

常積二倉海鹽圖經在乍浦北水門內明洪武二十七年建
二十九年千戶許尙增置四十四間久廢

按澈浦有常積一倉海鹽有廣儲倉並此為三倉皆儲衛
所軍糧

俸給倉嘉興府柳志在縣內明宏治四年知縣林奇建三間
久廢

儒學倉嘉興府柳志在明倫堂東南明成化間知縣郝文傑
建久廢

義米倉程志在儒學儀門內左明嘉靖三十九年知縣陳一
謙建二間久廢

按儒學倉以儲師生廩俸義米倉以儲義田租其分設如
此

教場程志在南門外宣德間設東西濶二十五丈南北深六
十七丈一尺嘉靖四十二年知縣顧廷對建演武廳三間久
圮

朱志其側有飲馬池宰牲池按二池今皆
為居民所佔

嘉協右營教場張志在乍浦南門內守備署東

乍浦水師營教場浙江通志凡二一在惹山離乍浦城五里
計二十一畝二分官廳三間圍柵旗臺照牆各一座雍正八
年建一在乍浦南門外雍正二年建

按水師大教場在龍王塘側其在南門外者為小教場即

舊乍浦所教場乍浦志載周圍二百五十丈廣六十三畝
八分嘉靖間署知縣殷廷蘭置義塚于此以瘞死倭變者
雍正間劃一隅爲教場餘建營房

滿洲教場浙江通志參張志在乍浦東門內計七十一畝五
分四釐六毫五絲演武廳三間耳房二間鼓亭二座後房三
間旗桿一根照牆一座雍正八年建

乍浦水師營房浙江通志雍正二年原建一百間在乍浦南
門外教場官地一百間在城內兵備道舊署東首官地十年
爲飭行查議事將城內營房亦改建南門外教場官地又增
建三百間共五百間乍浦志乾隆二十年添建一百間在陸

家橋及塘口

滿洲營房乍浦志在乍浦城東北隅共三千二百間雍正六
年建初繚以竹籬乾隆六年改甃以磚內十六旗各設堆子
房一所新纂乾隆四十六年颶風圯四十八年知縣嵩福請
帑銀一萬八千六十三兩九分五釐修葺二千九十二間重
建二十三間及堆子房二十四間四十九年知縣張福敏請
帑銀一萬二千六兩三錢八分二釐續修一千八十五間籬
笆八百聯

教習舵水綠旗兵營房乍浦志四百間在城東南隅雍正七
年建

按嘉協右營兵俱賃民舍居住營房未奉建設附識

滿營火藥局張志在乍浦西門內乾隆三十一年建確火藥房在局前

乍浦水師軍器火藥二局乍浦志並在北門內舊倉基各六

間雍正八年建又火藥房在南門內城下凡六間火藥先在

此房確碎然後運貯局內

陸營礮房新纂五間在乍浦南門城上乾隆二十一年建貯

大砲四小砲六

軍工廠新纂在湯山西修造戰船器械處官廳三間耳房四

間後房三間貯料草廠三座炊爨廠一座土地祠三間工作

所九間

按舊志教場營房詳武備今依靈壽志演武廳例改入建置至烽埃臺寨仍歸海防云

鄉約所嘉興府劉志在德藏寺明萬歷二十八年知縣林夢琦建

郵舖嘉興府柳志凡五縣前轉塘惹山乍浦東門獨山新纂

國朝衝要舖一縣前偏僻舖四轉塘惹山乍浦東門梁莊

育嬰堂新纂在西門內佑聖宮右康熙四十五年知縣董天

眷奉文營構翰林高輿倡建大門三間樓三間收留棄嬰送

蘇州嬰堂就育

周維翰新建育嬰堂記平湖僻處海隅建置間有缺畧若羨學社君之屬下而至于藥局

茶寮苟利民生非茂宰為之經營締造即里中善信帥先舉行獨育嬰之堂未有宏此願力者余與朱君彤一暨同里諸君子小試其端於佑聖宮之長生房收取棄兒轉送吳閭堂內月償以僱乳之費余字圩有地一區將建堂而為持久計會今少司空蓉湖周公繕疏入告

詔旨俞天子慈

幼之仁遼左董侯甫下車毅然首捐俸鳩貲未足助以贖鍰異亭高太史聞而喜捨二百金不數月堂已落成丹雘壯觀垣墉堅好慈惠而敏慎蓋即此一端侯之善政卓乎其可傳矣且母謂有嬰為未節也康誥曰若保赤子惟民其康父子與氏云幼我幼以及人天下可運諸掌今侯既以仁心為質四境之內凡有低離夫業或暑雨祁寒輟耕歎息者不啼赤子之不言而宛轉啼於其側也侯方欲為廣廈之被慈雲之覆而沾沾於一堂之建乎哉昔賈彪為新息長俗不舉子嚴其禁後生男皆名賈子龐參訪任棠抱兒孫伏戶下曰是欲我開門郵孤耳以侯較之古賢其所全活日增月益而不可數計有過之無不及也始余與朱君雖抱此志方懼力綿不克勝任俄焉得名公卿為之奏請居無何又得賢令君為之主持益信天地之大德曰生而我儕善心之發其為冥漠中所降鑒固已久矣繼自今以往其善承侯之德意創立規條

聖治

次之亦能充其怵惕惻隱之善端以自進於強仁之學故雖遵行不怠上之可以昭格天心導揚

以謏才弱筆無所遜避而詮次其辭勒諸石以垂久遠是為記 六十一年知縣林緒光增置

田畝停止轉送始即本堂留養 董公至李公而規模復振誠

善政也所惜寄乳姑蘇雖免棄溺之厄而存亡莫考余視事數日而司事以此意相請心為戚戚因循未舉老母至署謂緒光曰先中憲嘗為余曰育嬰有二美而功德不與焉一保赤子之身一養大人之心爾小子獨未之聞耶宜勉力圖之勿泄泄也轉自念仕宦場中喜笑怒罵都非本色試看呱呱一派天機全無假借生憐憫心生慚愧想作保赤之官須行保赤之事既行保赤之事須存赤子之心緒光未之速也竊有志焉因捐置田畝若干作乳婦月糧收養本邑棄嬰既省舟楫轉送之勞而貧困婦人又得少資餽粥嬰兒以三歲為率乞作螟蛉留為耕收擇其可以付托者按名登記諺云楚人失弓楚人得之較諸流落東吳不無少補况芝草附于枯木醴泉流于絕壁朽腐神奇尤為未可限量者也但兒女頗繁堂宇未廣宰官升斗有限勉為之倡士大夫豈無桑梓之念惻隱之衷必能為之計長久也其新舊所置田畝糧米俱

長官捐辦已詳碑記倘時異茂遷法無不變尤望後之君子宰茲土者斟酌周詳匡余之不逮焉是為序 雍正五年生員馮堯則捐懷德祠屋三間基地一分二釐州同知張

逢年擴基二分改建樓三間 陸奎勳增建育嬰堂記粵稽大

子有終壯有用而幼孤亦得長養大道既隱各親其親則各子其子三代聖王所以導其天性之良而防其流失者為法綦備以今觀周禮一書大司徒保息萬民首曰慈幼次乃及于養老恤貧寬疾顧竊疑鄉飲酒之禮尊長敬老設席歌詩歷久不廢而春饗孤子割烹酌酒此典何以曠絕人間嗟夫鹿不忍子鶴猶護雛乃氓之蚩蚩竟有棄兒不舉者此非天性漸滅與夫情有難言之故母亦貧病死喪為父母者力不能顧不得已而忍心出此也平邑育嬰之堂創自康熙癸未時則遼左董侯紫來甫下車會逢

聖祖仁

皇帝俞少司空蓉湖周公入告疏俾天下郡縣咸得建堂育嬰侯因營繕斯堂兼為置產既而三山林天鳳溪續置田畝以給堂中公費今

天子御極之初仁政畢舉復

諭地方有司加意育嬰爾時嚴太史西武先生主持堂事倡議以為

堂止二進其半臨水恐不足以垂久遠東偏隙地一區力勸馮子枚占喜捨以作善緣嗣後可為擴充計矣值堂沈君西苓輩將廣勸邑中善信增建一堂而余表姪張子炳文素具仁心勇于為善慨然獨肩其任鳩工于丁未之二月訖五月而落成其中建樓一所以供聖母行像於其上前廊後軒丹蔭輝煌美輪美奐木石瓦甃暨匠役之費約二百餘金又以其後偏窄規模未稱捐貲契買王錦章披屋一間基地一分更買羽士高雲客隙地自是庭宇爽塏垣墉四周遠近觀者嘖嘖稱善焉復捐鳴儒圩樓房十一間平屋四間租銀其十五兩五錢為每歲修葺及堂中僱乳之資夫民為同胞物為我與古來慈心于物者方春不合圍草木黃落然後入山林蟄虫昭蘊足不踐履其樽節而護惜之者周詳若此况乎秉五行之秀具知覺之良顧可膜外視之而過滅其生機乎是堂既成凡我同志踵事增華設立規條可永遵勿替矣門人嚴生方回來告余曰從古善事必藉文章以傳不朽是堂不可無記謹鑿石以待鐫刻余嘉炳文能以合邑之公舉獨力仔肩之上足以導揚

聖治

昭格天心次之亦能共襄賢侯惠政善終如其始從茲湖中棄嬰以養以長樂育于光天化日之中均不致有天札之患德莫深焉功莫鉅焉故不敢以無文辭而益次其語如右

自建堂至今知縣暨邑人共捐田一百九十七畝九分一釐

六毫五絲東地三十三畝五分九釐一毫蕩一百九十畝共

租米三百四十一石二斗七升市房二十九間基地六畝四

分三釐七毫五絲水港三段脚夫三名共租銀六十八兩七

錢又撥羅義田羨米三十五石內官辦糧課共一百三十二

畝四分一釐六毫堂辦糧課共二百九十五畝五分二釐九

毫外無租田蕩共五十五畝七分八釐康熙四十五年知縣董天眷捐洪圩田三

畝九分三釐三毫小宿圩田九分五釐六毫四十八年斷捐

王豐元傷圩田一畝八分九釐五毫稼圩田一畝六十年知

縣林緒光捐身圩田七畝六分一釐九毫西公圩田十畝六

分四釐洛華圩田三畝八分六釐一毫洛超圩田七畝四釐

六毫山東下則蕩二十七畝詳撥羅學租一十五石雍正五

年張逢年捐鳴需圩房屋一十五間基一畝九年知縣方以

恭捐莫圩田二十九畝二分四釐八毫詳撥羅學租二十石

何廷焯捐施圩田一十畝二分六釐四毫沈石虹捐月圩田

五畝一分七釐七毫十年何巽捐尹圩東地七畝九分四釐

四毫十一年陸肯賢捐更圩田六畝八分二毫陳佐賢捐大

寧圩田三畝六分三釐七毫馬巨川捐寫圩田一畝五分乾

隆十三年知縣閻公銑丈捐臨圩隱田二畝八分九釐田毫

以上官為辦糧康熙四十八年知縣董天眷斷捐王豐元

嘉邑大月圩田二十畝八分九釐一毫南備上則蕩二
增雲坡捐鳴西圩平屋四間基二分一釐六毫十一年朱魯
瞻捐山西新耕蕩一百二畝八分三釐五毫南備上則蕩二
十五畝四分七釐五毫南正新耕蕩三十四畝六分九釐馮
堯則捐西門坊水港一段鳴黃圩樓房二間基三釐沈爾芳
捐廣嗣菴園圩基四畝一分一毫十二年張丕受捐月圩田
四畝一分一釐六毫呂圩田一十三畝九分七釐三毫陸鳳
池捐洛貴圩田四畝二釐十三年郁曹氏捐市二圩九畝
八分六釐俞羽翔捐象圩田四畝三分一釐周三臺捐能圩
平屋四間基四分五釐乾隆四年何廷鏞捐前眉坊水港一
段張邵氏捐寸圩田四畝四分九釐三毫五絲五年堂置人
圩田三畝二分六釐十七年張洪達捐尹圩平屋二間基四
釐十九年胡汝明捐邱四圩吏地七畝七分五釐七毫二十

五年徐趙氏捐小眾圩東地四畝二分二十六年堂置洛傑
 圩田七畝五分二十九年堂置洛貴圩田八畝九分五釐三
 毫三十二年周國侯捐東門坊脚夫租三名三十三年陸經
 臺捐洛一圩東地十一畝六分九釐洛二圩東地二畝三十
 七年主簿孫右翼詳歸鳴黃圩無糧官地三釐七毫五絲官
 河四釐五絲三十八年蔡御芳捐藉圩田二畝三釐二毫曹
 三姑捐陳圩田四畝七分五釐三毫四十八年潘載安捐西
 門外水港一段五十一一年堂置堂側市房二間基一分八釐
 三毫五十二一年堂置界涇橋水港一段抽圩田二畝四分六
 釐四毫黃鳳捐呂圩田六畝八分一釐換西門外水港仍作
 放生河堂基三分八釐以上堂內辦糧 雍正十一年屠馬
 氏捐端圩田一畝五分施穎培捐西下新耕蕩六畝乾隆元
 年方楚玉捐海沙蕩四十七畝二年陸武山捐東湖水閣基
 六戶五年堂置大月圩田一畝一分三釐六年堂置鳴司圩
 樓房二間基一分五釐以上有地無租 按堂產碑刻與堂
 志數目不符茲官辦糧課田蕩從戶管冊開載堂辦糧課田
 蕩從戊申 又紳士及典商布行每月捐助有差掌其事者
 徵信錄核載 又紳士及典商布行每月捐助有差掌其事者
 司歲一人 管理銀錢出入必延身家殷實品 協歲一人司月
 行端方者任之每年八月朔交代

十二人司勸一人稽察一人司堂司醫司收捐各一人接嬰

乳婦三人 育嬰堂志 收育以千字文為號按月分編注册發

婦姓名居址每月望後賚籤抱嬰到堂給乳工錢三百文仍
 驗明肥瘠分別獎賞歲以三月發蚊幘单衫裙褲九月發襖
 帽絮褲有病報明司事延醫給藥病故給棺木貯北門外幽
 亭至冬瘞埋遇有繼嬰者必報知姓名居址并保繼一人注
 明冊上給與付照如有變賣查出鳴官究處凡嬰未
 繼出本生父母欲認回者聽如已繼出不准認回 堂左有
 祠凡當事暨紳士有功於堂者咸祀之

按周璿廣募狀云嬰堂弛而復興沈瑜施元章之力居多
 而前知縣邵煜每月臨視捐俸佐給尤為善政附識

同善會所 新纂 在城隍廟儀門左大門五間正廳三間翼房
 二間後帶五間乾隆七年知縣高國楹建邑人韓廷芳等倡

舉義會 按高志是時首事者韓廷芳而外尚有劉大業顧溶
張時行陸介烜馬鵬程黃耕心陸一熊陳錫祚劉遐
齡沈鴻磐湯繼序程本學江三鳳馮朝棟方日捐一文季月
沉鄭時來劉長庚顧澧陸鏞程本廷二十人

朔集金公所望日散之以濟良民之鰥寡孤獨廢疾者巡撫常安

同善會序今夫為政者求其實心焉耳果能正德厚生教之
養之保其富庶務使士人興於庠序農者安於隴畝工藝不
失其經營商賈往來行旅皆願出於其途以及鰥寡煢獨顛
連無告者悉登之衽席而無向隅之悲所謂庶績惟熙或庶
幾焉若以一事一節煦煦焉欲施吾仁而不求其為仁之本
盡其為仁之量以為吾能是是足以無忝厥職焉是亦隘矣
且今人豈不若古人哉第古人之法良意美雖經千百世行
之而無弊者不妨踵行之而不嫌於訥如朱子社蒼范文正
公贍田天下何地何人不當講其規制耶高令國楹能吏也
宰平湖樂獎紳士傲前明錢啓新陳幾亭兩先生同善錄行
之有效呈其書於修志葺祠之後其能振興民事於此可見
蓋元者善之長也親親而仁民仁民而愛物未有不從善之
一念始推暨其量而俾民之無不善曰同同之義大矣故君
子窮而在下為善於一鄉達而在上兼善於國自國而言

聖天

君臣一德同也自鄉而言夫婦之唱隨同也父子兄弟之竭
力同也朋友之合志同方營道同術無不同也推之天下盡
其同仁之量能使萬物無一不在胞與之內此即古帝王上
下同欲克臻一道同風之盛治者也今以人性之皆善發其
天良動其本念咸知為善最樂推廣其慈祥愷悌大行之而
大效小行之而小效又豈持一邑一郡之宜勸哉惟是人情
靡不有初鮮克有終子雖嘉其事之有成而尤冀其後之無
怠為邑紳勸為高令勉今者世際雍熙人民康乂屢沐
子惠愛元元發粟蠲賦於旱澇則補偏救弊於風俗則教孝
勸善凡在同官皆宜進善良而日講其睦婣任恤之誼俾父
勸其子兄誠其弟家喻戶曉由一事一節之仁推而至於事
事節節之無窮將古聖人所謂善與人同者其蔑以加於此
矣又安在鰥寡煢獨顛連無告者之不得登衽席而致同風
也故曰為政者求其實心焉耳高令勉乎哉知縣高國楹同
善會序漢東平王蒼言為善最樂誠哉有味乎其言之也夫
淫聲艷色珍奇玩好以及園林池沼蟲魚花鳥之屬凡以娛
心志悅耳目為樂者率皆外物之交於我何與若日與善緣
相接則慈和愷惻生意油然而天真流露之餘此中誠有至樂
若推而廣之公諸同好使人人皆勇於為善此樂更無極也
楹以壬戌之春調任是邦入其邑閭閻衢陌之間燦如也行

聖天子

宵旰

其野桑麻稻之植沃如也觀其人民風土農服先疇士食舊德熙熙俾率多善氣迎人無囂陵虞詐之習則已顧而樂之既而察其儲蓄詢其蓋藏則委巷蓬門窮鄉僻壤尚有生計孔艱朝夕不能自謀者

勤求不使一夫不獲之意此固有所司之責亦邦人士之好行其德者所深憂也往者錫山高忠憲公創同善會于眾擊易舉之中寓稱物平施之計後此踵而行之者所在多有此邦則尚遲遲有待爰從飲射讀法之暇與諸賢士共相討論先正風規宛然在目計且做而行之愈日善時則衿士十餘輩同然一詞毅然以為已任於是司勸募者若而人司訪察者若而人司登記出入者若而人互相推讓不以首事自居一歲之中凡以四舉一時顛連無告之眾若履春臺而登衽席此固長吏之所大慰而亦諸賢士之所共為欣快者也嗟乎人之吝於財也久矣親兄弟同父母往往有爭之不得形之詭詐甚而攘臂相尋極之於速獄逮訟而莫之能解若斯會之捐金集事不謀而合不介而孚會不稍為靳惜其視顛連無告者不啻痼疾之在吾身而飢寒之切于肌膚也豈非人性皆善未嘗不同而天真所發遂有不期然而然一時百里

盛

之內太和洋溢洵可樂已楹用是而感焉平固多大姓設義田以贍族者自景賢祠而外比比皆是此會之行於一家者也合二者而擴充之凡可以惠維桑恤窮困損有餘補不足共相黽勉以成善俗俾

朝興仁興讓之風自茲

初倡會邑中捐輸歲得銀七十八兩

有奇錢五十五千文受助二百五十餘人八年有捐產助會者十七年邑人屈天成司歲捐銀一千兩漸次減助至五十餘人眾以歲有贏餘停止一文捐數十九年知縣翟天翱定會規嗣因日久弊滋三十九年生員方沅等控奉總督鍾音

檄行署知縣陳虞盛申定規條立案永遵

一擇司歲查會內

餘金歲收息給助約銀四百兩其司事雖有司講司收司給

司訪等名目而總其事者實司歲一人必須遴選才品兼優

樂善慕義者方免廢弛嗣後司歲一年一換屆期闔會司事公舉合例四人地方官虛衷諮訪延請一人其餘各職事聽

新司歲逢舉襄事以共濟其美每歲三月朔舉報延定俟三月望給助後新舊交代清楚造冊送縣比較上屆贏絀分別獎勵追補通報備查一嚴給助查廢疾乞丐等項養濟院已足收養是會之設原以周濟文士之厄于運數及婦女之守節完貞者故會規男子必擇其敦倫飭紀素有文行而數奇不偶年邁困貧者婦女必青年守節白首完貞及舊族名門謹守閨訓者每季給上助銀九錢其次必擇男子中清白良民年老極貧者婦女必窮苦守節衰邁無依者又有清白之家幼無父母生而瞽啞折跛飢寒難度者給中助銀七錢其乞丐殘疾并孩童不隹混入又其次必擇男子中從無過犯貧老廢疾無可謀生者婦女必老寡貧病素無非議者給下助銀五錢其有不孝不弟強梁無賴干法犯罪孽由自作毋庸憐恤又壯年遊手好閒不務本業以致凍餒並現有長子嗣嫡親弟兄女姪可依暮年精力未衰尚能肩挑手業及一切遠方過路來歷不明等項俱訪察詳實概不給助是立法之始本極嚴明果能如法奉行則飢寒之士皆沾實惠而節省餘費並可為施拾藥餌棺木等用無如狗情濫給並有稍可謀生者亦列于會而實在貧窘者反致向隅嗣後受助之人必須照依會例確訪入冊註明何人經訪及該人住址鄰佑地方官于散助之前吊冊委員親赴各路查對如有冒濫將給銀于入冊之司歲追補一嚴收放會內贖產現經清查嗣後司歲將收進放過分別管收按季造具徵信錄至新舊交代則將一年收支再造四柱冊于實在項下備開款目如存會田若干總數應開明內某字號田若干租戶某人如存會生息本銀若干總數下開明某典商領本若干每年交利若干其市房基地等項悉照此式庶一覽周知可免以肥抵瘠及扣短侵漁之弊且新舊比較設缺少某田即可按冊指追至田產或有回贖領本或有交還其另置另交應同眾當官稟明不得私相授受一清租糧會產例應完糧收租今司歲既一年一換其糧額租欠自應年清年款庶免推委查田租每于冬季旺收極遲至三月無不清楚嗣後每年交代總定于三月其會內銀米悉令當年司歲一手清完然後將冊籍交代如尚有欠少新司歲查出稟報總于收租司歲自各下追完至佃戶或有頑抗不清稟明即為差追嚴比自

倡會至今知縣暨邑人共捐田一百六十八畝五分五釐四毫地一十三畝一分三釐八毫蕩三十五畝四分共租米二百二十八石六斗五合市房二十二間半空地三段

八年陸介烜捐

門牙田九畝二分七釐四毫願溶捐蘆瀝場東正界蕩三畝
六分曹芝九捐紫圩田六畝一分五釐三毫雞圩田二畝五
分七釐三毫新圩田九分九釐八毫朱其輪捐浦東場水蕩
三十一畝八分陳沛文捐藁圩東地四畝習圩田二分十年
知縣高國楹丈捐攸圩餘田七分五釐斷捐徐岱石圩田一
畝二分三釐九毫鍾朗英適圩田二畝一毫鹽政公所葉正
春許鼎昌楊復茂捐歲圩田一十三畝四分二釐七毫麟圩
田六畝九分五釐盛圩西地五畝四分三釐八毫萬仍學捐
洛圩西地三畝七分七釐五毫二一十年至三十年會置染圩田六
田一畝七分一釐五毫洛傑圩田三十二畝一分九釐八毫南員
畝九分一釐三毫洛傑圩田三十二畝一分九釐八毫南員
圩田二十二畝二分七釐三毫紫圩田三十三畝七分四釐
九毫三十二年會置宙圩田九畝八釐三十三年會置洛渭
圩田六畝八分四毫洛華圩田四畝四分七釐一毫洛傑圩
田四畝三分三釐八毫嘉邑北盈圩田三畝以上有租外願
宏以會銀置嘉邑月圩田三畝三分姚隆生捐流路圩地六
分四釐二毫萬仍學捐鳴南圩樓房一間張天祿以會銀置
鳴儒圩樓房一間鳴南圩樓房四間鳴西牙樓房三間鳴縣
圩空地一段劉廣基捐鳴黃圩樓房一間張博園捐樓房兩
半連基地八釐願宏推抵鳴喜圩房屋十間馮升九捐鳴陸

圩堂側空地二 糧課會中完辦又歲贏積存銀七百兩錢二
段平屋一間 千三百三十五千存典生息以共給助之用 按今受助 三百餘人

按前志嬰堂善會歲入歲出敘次太畧茲清查現存貲產

數目并歷捐姓氏詳悉重纂俾後人得所考據云

養濟院程志舊在縣治西二百七十步今移北旱門外有廳

三間東向傍有小房相對凡二十七間張志月給養膳以居

民之孤貧及老幼廢疾者凡孤貧八十名每名歲給布花木

柴銀六錢口糧銀三兩六錢 順治十四年裁減口糧內米折

年奉文扣小建加閏以 額外孤貧十名口糧銀一十六兩三

恤無告地丁內動支 錢九分二釐 內支給

放生河新纂東湖舊為放生處明主事陸杲倡久廢明太倉王世貞

悠然亭放生碑記悠然亭者其址據湖之最勝處湖故陸大

夫公有也陸大夫公與其子考功與繩職方與培輩舍而弗

漁而時時以所遇之鱗介母論巨細即贖而放之故其湖舊

曰當湖今稱放生湖亭之北為鸚鵡洲其上有塔峙焉傍為

塔院翼之陸大夫公所營也洲東北為放魚磯余嘗以通家

子一再侍陸大夫公及公沒而遊於與繩最後登茲亭而寓

目焉其隅湖奠南而全湖枕於北粘天無岸日月得之澄鮮

洵爛宰堵遏雲時吐光怪萬蝶西映丹譙若霞圍橋西南蜿

蜒垂虹憑闌放歌天籟和之意甚憚也既而叩與繩所以名

亭之故則取子產之校人語夫校人不能得魚事而能得魚

理其始舍之而圍焉縱之洋洋焉悠然而逝即古今善狀

魚者莫茲語若也然而魚之所謂悠然者與人異方其失水

而困於網罟也束縛之急鱗鬣盡挫第能覺其苦而不知有

砧盜之虞及其獲水而圍圍而洋洋而悠然者形也非心也

蓋至於悠然而俄頃之所謂苦者失之矣人之就網罟也痠

繼攻其外而愁憂攻其內及其甫就解而前念後念交戰之

賢者內咎而思改不賢者追咎而思報欲求所謂食息之悠

然者不可得也故曰魚相忘於江湖易人相忘於道備難也

與繩曰不然吾之所以名在放生夫放生之名池久矣唐末

之世州郡在在有之以所人主福而責額數取期日其十五

死餒而四飮於漁子之腹能生致者十之一耳環而隄之一

且人主之法廢而耐水者徒手而取盈是使仁術不究也故

不取不放梁武之所以見屈於北使也今吾則不然遇而贖

贖而放惟不聽戕賊之耳而不為限量我悠然而忘魚放也

魚亦悠然而忘為我放也是相忘也且我何知福余乃曰有

是哉吾子之近道也請志之亭之楣陸瑤林放生序畧吾湖
放生會遵行已久年來網罟密而魚亂于淵埳院大音上人
誓願弘明蓮池二大師宗風與同會諸君子按圖畫界立
石斷罟浚濠深廣葭葦四周由是水族之游泳其中者如適
樂土如寢巨壑吾曹時得縱觀如莊惠之遊于濠梁非魚而
知魚之樂也會始丁未八月迄癸亥嘉平每值放生苦師雲
集環繞紛吹諸君子以片言立剖皆意得而去所全活不可
數計今貞元交會而上元開先自茲以往歲月無窮則物命
無窮而諸君子生生之意相繼為無窮也馮敏効浮亭放生
詩方亭屹立淨無塵四面風生冷逼人玉砌臨波容膝地瓊
簷繞碧滿懷春相忘雲水窻虛合慣熟魚蝦檻外馴此處不
堪延釣愛好將
竿艇寄遙津
其禁止漁捕之處則一在聖塘坊生員金塔

等捐置 東自蘇家漾 一在張兜坊監生陳錫爵捐置 南至戈

至任家堰東 一在青蓮坊監生許佳松捐置 北至青蓮寺後

至岸西至堰 一在祇園坊何氏墓前貢生何廷鏞捐

南皆至 一在西門外從九品黃鳳捐置 舊在育嬰堂內黃鳳

賣茶橋 一在祇園坊何氏墓前貢生何廷鏞捐 捐田易置東至城河

西至界涇橋南至黃 一在祇園坊何氏墓前貢生何廷鏞捐

家橋北至韓家橋 一在祇園坊何氏墓前貢生何廷鏞捐

置 北至張墳前 一在傅子坊小西溪張敬坡香谷墓前監生

南至陸墳前 一在傅子坊小西溪張敬坡香谷墓前監生

張誥兄弟捐置 俗呼六杆浜東南至 一在戈溪坊監生朱禹

言兄弟捐置 南至田北至戴墳 一在戈溪坊監生朱禹

前東西皆至堰 按邑境港汊凡墓前舍後動稱放生但初時意主愛物後

漸租種菱芰浸久而網罟隨之今邑人所置各所俱令勒

明四至永不起租庶仁術可以長延矣舊志內尚有舉人

徐上法監生潘鶴林民人王聖嘉捐置因無坊分不錄

關梁 按前志橋梁皆畧而不備于關率以廢

海關新纂在蕭山街北康熙二十三年開海設乍浦口址領

于寧波關監督乾隆五年海防同知兼攝三十三年改歸嘉

湖道監收額徵稅銀三萬八千兩有奇 乍浦志康熙二十三

命巡撫

兼理雍正元年以後題委道府監收乍浦舊係海關遙領

齊等議定浙海關除正額外歲增銀一萬兩雍正二年戶部議裁歲增銀兩所有額外贏餘另據實奏報六年護理關務台州府知府江承吟于額徵外報收贏餘銀五萬四千餘兩七年至八年寧紹台道孫詔監收實徵贏餘銀五萬七千六百餘兩自此年浦稅額亦遞增現在每年額徵三萬九千兩有奇凡商船進口牙行具報單將縣照赴海防同知署呈驗照上開明船戶舵工水手各姓名年貌籍貫次日領出赴嘉協右營守備署登簿訖續報明水陸二口址然後運貨過塘將部牌并紅單赴海關稅口報驗紅單載明某商某貨在某關某口報稅若干有各關口鈐記自閩廣來者隔省道遠雖已向各關口納稅到乍仍遵則例額徵其自浙東來者止驗票不更徵稅及內地貨出口于稅口納稅領部牌紅單訖牙行仍具報單先赴守備署次赴同知署將縣照各呈驗用印領出又赴水陸二口址掛號放行貨自日本琉球安南暹羅瓜哇呂宋文郎馬神等處來者則有金銀銅錫鉛珠珊瑚瑪瑙琥珀水晶玻璃龍涎加楠沉檀速降安息黃熟丁香紫檀花梨鐵力烏木蘇木黃白藤象牙犀角虎骨羚羊角牛黃熊膽玳瑁螺殼孔雀翡翠倒掛鳥紅白鸚鵡哆囉呢羽毛紗猩猩鬚嗶嘰緞嘉文蓆燕窩海參鯊魚翅黃蠟胡椒豈菴檳榔自閩廣來者則有松杉楠靛青蘭茉莉橘柚佛手柑龍眼荔

支橄欖糖自浙東來者則有竹木炭鐵魚鹽又舊時閩省歲飢率運漕米自乍浦出口賑濟乾隆二十年浙江歲飢米價踊貴每石值白金四兩幸閩廣米麥陸續販運至乍流通內地穀價漸平時販運最遠者厥有暹羅米云

稽查口 俗呼稅廳廠 新纂凡三一在楊衙墳名東臺一在郭家地

名中臺一在乍關鎖鑰名南西臺

聖堂關朱志在縣東南十里元時番舶從乍浦海道入者此

為津要久廢

烏橋關朱志在縣北七里久廢

右關

城內橋程志纂凡三十六啓麟橋 俗呼西 迎恩橋 俗呼三 萬

安橋 迎恩橋南轉東五步沈懋孝重建萬安橋碑記漢塘之水 安橋 水分派駕馬諸湖駛流東行五十餘里滙於當湖西澣

彼時未有城郭萬安橋實縮結其處與梯雲迎恩諸梁相抱
 於是天目之源接於長水者蜿蜒若晴蜺焉以儲治其地脈
 數百里遠瀾結局於此然後起一脈東北行鬱紆澄泓大有
 相乎斯人余聞之長老當湖蓋有八景萬安橋其一焉自昔
 稱勝嘉靖中始置城守城成地益勝水益蓄其外又建萬程
 橋涵瀦重襲西郭外內室居雲起烟火殷輳事產繁植商賈
 舟楫日以走集詩書絃管接戶闢有之環橋南北諸增大族
 視四十年前阜厚十倍甲於邑水中之明秀蓄在西方於是
 城為大橋次之蓋風氣之說傳之往牒雖云建立由人至其
 翁合興旺有其所以然關諸神理亦未可誣也比年橋漸圯
 今道州刺史肖南韓公倡義繕築屬里耆某舉募工竣刺史
 謂余宜記其事耆老輩來乞文余語次問曰橋之圯壞當繕
 孰與城係一邑安危保障抑孰與城僉曰城為大余曰公等
 二三義士持刺史尺一空疏樂助之家雲集任事不言勞輸
 財不言厲工成不言功居人庇其風土往來蹈其康莊怨謗
 不興而怵歌作人安事輯而式傳之此奚道而然日者繕城
 事小小修葺耳未大舉也旅人臚傳嘖嘖有言此又何也耆
 老輩唯唯否否不能置對蓋孔子頌易至益之繇曰損上益
 下民悅無疆利涉大川木道乃行言土木之工從人悅也其
 政乎其民悅令名載而行之有心無心之間其神已乎橋工

經始於萬歷丙申十一月落成於戊戌四月沈子以是年七
 月七日記事成是日也役鵲步河之夕也橋之事細不佞稱

時志代且得乞靈莊橋俗呼西梯雲橋縣西一里乾西太平
 天孫以大厥事云楊家橋隆丁酉重建西太平

橋佑聖宮永平橋梯雲橋北轉東七望雲橋縣西南二百四
 西三步步俗呼東太平橋十二步邑人陳

日章建致慶源橋縣西二百步永豐橋縣西一百五十三登
 思親意云俗呼方橋

橋縣西一百步宋魯營魯詹凝瑞橋在元名喜雨橋後圯雍
 魯嘗後先登進士故名

橋漢水橋縣東五十步利涉橋清水港側俗呼小滑橋乾隆
 元至正間建

義井鎮火災年久湮沒康熙景福橋縣東一百五十五龍門橋
 十九年監生江日暉重濬

儒學東卽秀源橋卽南承寧橋日暉濠北康熙八字橋日暉
 東城橋城橋

橋有二故名乾隆丙戌鳴喜橋南河頭乾隆丙戌邑人屈
 邑人屈天成改建以石

花池橋馬家橋南橋有文昌橋胡家南環橋清水巷南俗啓
 二亦各八字橋

元橋南環橋北乾隆丙寅重建塘溪橋湯家福源橋縣南一里俗呼香花

積骸橋人於此小東水門橋北城橋倉橋便民斜橋趙家登瀛

橋縣後俗呼牧愛橋縣後俗呼楊家遊橋城隍街北水洞橋附郭

橋凡一十二南弔橋北弔橋說澤橋西門外俗呼孟家橋虎嘯橋小南

德聚橋永興橋並跨城濠俗呼教化橋外城河橋凡六並跨水門

按城內諸橋入一統志者一梯入省志者六登漢水望雲

疑程志載二十橋朱志載二十一橋高志載二十三橋張

志因之茲為查明核載尚有各支河板橋不備載

乍浦城內外橋乍浦志城內凡一十八望湖橋東大街俗名東菴橋舊又

有路家倉橋滿洲永備倉前鳳凰橋齊景公廟東太平橋望湖菴後紫梁

橋城隍廟後俗名王褚郎橋慶源橋崇真道院前亭橋西大街

名平興隆橋西司街口俗名竹行橋其旁又有小石橋自亭

佔之河面愈窄舟楫不通雍正三年里中衿士王之澄陸之

椿等倡議開濬潘正宏力肩遂稱利濟并疏通各河道知縣

楊克慧為勒碑申西司橋懷橋菴前聚奎橋南大街俗名湯朱橋百叟橋南

禁焉碑在城隍廟西司橋懷橋菴前聚奎橋南大街俗名湯朱橋百叟橋南

橋下俗名永興橋南河下俗方家橋北大街今鸚鵡橋大街俗

濟橋會濟菴前城外凡二十二弔橋四龐家橋陸家橋徐家橋王

千戶橋楊家橋周家橋洗馬堰橋眾安橋莊家涇橋烏程橋

-5 145 45 945" data-label="Text">

義路橋長安橋俱沿山萬安橋乾隆八年建金安橋舊為長木橋

-105 145 -55 945" data-label="Text">

改石迎龍橋乾隆二十二年建長豐橋三里橋毛家滙橋自此以

-155 145 -105 945" data-label="Text">

葬年建俱跨濠

-205 145 -155 945" data-label="Text">

二建

-255 145 -205 945" data-label="Text">

下

-305 145 -255 945" data-label="Text">

置

-355 145 -305 945" data-label="Text">

下

-405 145 -355 945" data-label="Text">

置

-455 145 -405 945" data-label="Text">

下

-505 145 -455 945" data-label="Text">

置

-555 145 -505 945" data-label="Text">

下

-605 145 -555 945" data-label="Text">

置

-655 145 -605 945" data-label="Text">

下

-705 145 -655 945" data-label="Text">

置

-755 145 -705 945" data-label="Text">

下

-805 145 -755 945" data-label="Text">

置

-855 145 -805 945" data-label="Text">

下

-905 145 -855 945" data-label="Text">

置

-955 145 -905 945" data-label="Text">

下

湖

按程志乍浦十一橋朱高兩志並無添設張志僅增城外萬安金安迎龍三橋尚多遺漏且乍浦邇年商賈輻輳橋梁累次增建故從乍浦志採入

四鄉橋新纂在十七都者凡二十七洪義橋

程志洪忠宣住此

漢異

橋程志有馮異將軍廟距橋里許為大樹村多馮姓

安橋分界橋馬廐廟橋木行橋

王家橋石皮橋後寧橋青蓮寺橋解匠橋泥觀音橋許洞橋

賣茶橋車橋東塘橋西塘橋小羊橋思過橋元河橋大豐橋

徐樂海橋葉墳橋永垂橋

吳幼榮建

白苧橋歸正橋石蟹橋在東

十九都者凡五十二高公橋

邑至廣陳此當其中有廟俗呼半路廟橋乾隆十一年改建

三義廟橋

康熙庚戌邑人張長生建乾隆丙辰張漢年重修

德心橋萬壽橋裴家橋

林尚文橋俞塘橋

今

李家橋環洞橋山塘橋廣濟橋

廣陳普照寺前

邑人陸序建

廣福橋

普照寺後知州陸鳳鼎建明張寧重建廣福橋記畧廣陳鎮古屬嘉興路海鹽

州今析平湖邑其土高亢燥烈斤鹵皆旱陸惟中界一水限南北東接新倉鎮十二里許潛通於海西接鷓湖二十有七里潮生潮落朝暮不一其狀自古嘗建橋於普照寺南年久圯頽而弗克振凡遇水滂隆冬沍寒車馬阻絕民病其涉普照僧翠峯借土人具其事以告前廣德州知州陸公子厚告其母王氏樂施已資百二十兩於成化十六年庚子七月二十六日鳩工復建斯橋於前所不終歲而成道寧橋康吉橋

履祥橋悅來橋利往橋有慶橋永濟橋熙寧橋泰來橋

九橋並乾

隆癸未邑人

半路橋

程志廣陳至新倉此當其中

秀龍橋鎮龍橋綠水牛

橋三教堂橋戚家堰橋新廟橋謝家橋趙家橋斜勒橋西木

橋東木橋三义河橋香花橋施家橋童家橋倪家橋秀平橋

虎嘯橋人字橋塲前橋蕭家橋劉家橋張家橋慧隆橋漲沙

橋紀功橋姚家橋金橋俞家灣橋全公亭橋在西十九都者

凡一十一扶行橋久圯程志有廟神與野橋神爭四將橋金

家橋河灘橋九曲橋南莊橋北莊橋萬安橋利生橋福臻寺前大

堰印家橋在二十都者凡一十八演聖橋黃泥堰橋曹家

橋丁家橋潘家橋陶家橋宋家橋染店橋石凌橋顧店橋王

店橋周太保橋轉塘橋亭子橋魚衝一作滙橋八字橋大橋

梁莊廟橋在二十一都者凡三十八界涇橋假城門橋徐婆

橋躲債橋利涉橋北門六繆涇橋猪行橋通靈橋顯忠廟前謝家

橋馮家橋便民橋永康橋乾隆丙戌邑人屈天成建呂公橋高志龍王堂側為東湖關

鎖康熙三十二年知縣呂猶龍募建雍正十二年知縣邵煜

重建馮幾人日登呂公橋詩人日春晴好登臨興不窮珠樓

分大小玉竦峙西東孤塔諸藍接扁潔芳橋乾隆丙辰邑人屈天成建打

舟九派通湖光方瀲灩身在畫圖中傷橋安平橋普橋二橋邑人姚松石建明顧充題

原諸水惟鵝湖最大鵝湖疏為支流惟北津最大非石梁梁

之歲歲為褰裳濡軌之患松石姚公一力建普濟普安普通

三橋荆義舉也其一以版築故廢矣而其孫郡丞楫博士應

峻置題名謁於祠之堂昭祖功也勒石記題俾永弗夫示世

守也濟眾之仁承先之孝祖孫有同美焉此一石也為姚氏

增重豈徒石也云乎哉且公至今五世矣二橋無恙而此石

尚存孰謂澤止五世而已矣姚氏子姓繩繩能興建橋置石

平海縣志

卷二 建置下

三

波震撼不數年橋復盡圯因漸舉衝鉅之馬長橋聖堂關橋

區改易石橋先就兩處徐將以次百之高橋廣行橋南賀漉橋北賀漉橋淡水橋圖澤橋孟景河橋

漕兌港橋百步橋葛家橋朱車橋大興橋乾隆癸巳重建通濟橋塔院

東雍正八年邑人倪喆林建啓元橋塔院橋乾隆五十年重建新橋斜涇堰橋

保慶橋在平三十二都者凡七李家橋過家溪橋金蘭橋全

剛漚橋普江橋小河橋廟福橋乾隆二十年建今圯在齊二十二都者

凡一十二大通橋胡觀橋灘石橋烏橋會龍橋聚龍橋誠字

永興橋夕照菴前清溪橋沈渭沈涇興賢橋文昌橋文昌祠前

建躡雲橋沈琮沈肆景福橋乾隆庚辰邑人屈天成建在二十三都者凡

九野橋程志作綠荷一作堯橋梧桐廟橋婁縣久圯土

塞之乾隆乙巳大旱知縣王恒鑿堰鼎建平橋丁未松所鹽

商方瑞登等奉鹽道盧崧飭改建三洞環橋橋東設建石閘

一座募夫二名崑司啓閉知縣王恒重建橫橋碑記邑東四

十里曰庫港迤南北為戈溪大乘兩坊東通松之泖湖西達

邑之馬浦潮汐往來得地利占形勝跨水為橫橋其來舊矣

歲癸卯橋以久而圯鄉之愚取便行人聚土為堰雖潮汐不

至而雨暘以時亦未告病越二年乙巳四月余來承乏適遇

亢陽遠近支河莫不焦涸六月既望坊之耆老環籲請開余

馳詣覽觀揆形度勢有必不可斷遏者亟為決放嚴禁阻撓

水得大來田無孔曠在一邑之內既獲有秋而演漾餘波北

橋嘉善黑竹橋香花橋祇園寺前車橋石溪橋石牌在二十四都

者凡一十四萬壽橋壽帶橋袁家橋蔡家橋萬福橋永阜橋

源會橋青雲橋東柵太平橋北太平橋五龍橋馬家橋張旺墳前

潮水三官塘橋楊家橋在二十五都者凡二碧溪橋高家橋湍急

按邑境橋梁大小不下數百前志所載舛錯重複不可枚

舉因於勸農巡歷之餘訪察重纂較前增入一倍然窮鄉

僻壤率無主名故遺漏尚不少云

右梁

坊表按坊以表賢匪賢曷表景賢平倭諸坊功德彰彰

可考至如前代邑紳率循例以示榮寵有一人而建數坊者茲悉仍其舊間有舛誤畧為核正若墓坊止登清獻節孝總裁祠坊巍名卓行可以興矣

平奠偉績坊程志為都御史胡宗憲立報功祠前久圯

牧愛一方坊程志縣署後

按是坊不詳為何人建大約去思之遺因現尚未圯姑附

存之

儒宮坊嘉興府柳志儒學前成化癸卯御史劉魁建

文明坊程志嘉靖四十二年知縣顧廷對即儒宮坊改建以石萬歷十六年龍風圯

顯忠坊程志顯忠廟久圯

景賢坊其萬代瞻仰程志景賢祠前

尚義坊程志正統七年為義民陸宗秀立石牌涇

孝子坊程志為廣州知府沈琮立清水墓久圯

平湖縣志 卷二 建置下

歷朝簪紱坊 張志為封主事沈昇封主事沈渭贈主事沈懋

主事沈璇贈知縣沈光封副使沈民範贈知縣沈夢麟封

郎沈發封侍郎沈廷樞進士沈琮沈璋沈焯沈焯沈焯沈焯

沈垣沈萃禎沈中柱 奕世元魁 張志為舉人沈琮沈璋沈焯

沈岷沈初立其陰 沈焯沈煦沈圻沈聖沈維鏞

沈垣沈萃禎沈杞禎沈紹心沈問之沈君禎沈元琳

沈中柱沈日昆沈岷沈岷沈之弒沈初立城隍廟前

登雲坊 程志為景泰戊午舉人

進士坊 程志纂凡三一為天順甲申科進士沈榮立一為天

科進士方輅立 順甲申科進士倪輔立並在清水墓一為成化丙戌

憲臺坊 程志纂為按察副使

正直立朝坊 其清風範世 程志為封御史馬昇御

望重內臺坊 其奕世柱史 程志為叔姪御史

牙繡重光坊 程志為江西按察副使過璘贈御史過

簡 朱志纂為巡按直隸御史過庭訓立

科貢世美坊 朱志為成化辛卯舉人沈珪崇禎丙子舉

國戚 朱志為嘉靖冊封中奉大夫宗人府儀賓

世科坊 朱志纂凡三一為舉人吳佐吳軾立毓秀門內久

夢韓陸光祚陸燁陸光裕陸光宅陸錫恩陸整陸澄原陸之

元陸錫明陸鏊陸燦陸清原陸隴其陸壽立其陰為進士陸

淞陸杰陸杲陸燁陸光祖陸陸夢韓陸光祚陸錫恩陸錫明陸

整陸澄原陸清原陸燦陸隴其陸壽立縣東今圯一為舉人

馮俊馮汝弼馮敏功馮伯禪馮洪業馮

洪孜馮兆鰲馮壇馮重華立佑聖宮西

懷德坊 新纂懷德祠前

太保坊 程志為刑部尚書諡康

僖屠勳立儒學東久圯

建置下

信

平湖縣志

信

循良坊程志為垣曲館陶遂平二邑崇祀名宦馮俊立佑聖宮西

世尚書坊程志為南京光祿寺卿贈刑部尚書陸松工部侍郎贈工部尚書陸杰刑部主事贈刑部尚書陸杲

吏部尚書贈太子太保解元程志為宏治己酉科陸淞立縣諭莊簡陸光祖立其陰程志為宏治己酉科陸淞立縣

修恒重程志為宏治己酉科陸淞立縣

元魁繼武坊程志為宏治己酉科陸淞嘉靖丁酉科陸杲癸卯科陸光祚立其陰父子同科程志

為嘉靖丁酉科陸杲陸光祖立儒學西久圯

三代名卿坊程志為南京光祿寺卿陸淞工部尚書陸杰大理寺卿陸光祖立毓秀門外常平倉前

世科坊程志為趙漢趙伊趙邦黍程志為贈兵科給事中趙璧兵科都給事

中趙漢立儒學前久圯

文武勲賢坊程志為都督陸炳太常寺少卿陸燁立佑聖宮東久圯

柱國坊程志為都督陸松忠誠伯諡武惠陸炳立案山前久圯

宮保太宰坊程志為吏部尚書贈太子太保諡其忠清鯁介程志為吏部尚書贈太子太保諡

科甲宗英坊朱志為曹禾曹光曹一麟曹燁曹徵庸立永豐橋西久圯

柱史坊程志為福建道御史曹光立永豐橋西久圯

兄弟進士坊朱志為曹光曹燁立慶源橋西久圯

奕世恩光坊程志為封工科給事中曹渭嘉靖丁未進士工科都給事中曹禾封刑部郎中曹一圖萬歷辛

丑進士刑部郎中程志為工科都給事中曹徵庸立其陰都諫程志為工科都給事中曹禾立東司前久圯

丙辰亞魁坊程志為兵部員外陸夢韓立其陰天綸褒寵程志為贈工部主事陸楷立縣南

傳臚坊其文宗陝西提學副使陸光祚立縣東久圯

文苑持衡坊程志為嘉靖己未進士雲南主試陸錫恩立其陰秋祚萬歷乙未進士

臺執法程志為封萬安縣知縣贈刑部主事陸基

三世方伯坊程志為贈左布政使張燧封中憲大夫贈左布政使張

大忠立清
水巷久圮

太史坊程志為封文林郎翰林院編修沈宏光隆慶戊辰進士起居注翰林院修撰沈懋孝立南司前久圮

中外具瞻坊其陰世承天寵程志為贈江西布政使陸珂陸文典萬歷庚辰進士南京通政使陸

長庚立德藏
寺前久圮

兄弟進士坊程志為萬歷戊戌科金汝礪甲辰科金汝諧立其陰 忠廉重望程志為封工部郎中

金錫御史金汝諧
立東司前久圮

綸章世膺坊程志為封工部郎 殿中執法程志為山東道御史金汝諧立東司

前久
圮

世柱史坊程志為贈陝西道御史劉希聖巡視 澄清畿甸程志

為巡按直隸監察御史
劉廷元立東司前久圮

會元榜眼坊程志為萬歷丁未 玉殿詞臣程志為贈翰林院編修施應埧編修

施鳳來立儒
學前久圮

百歲坊程志為壽官王
澄立二十三都

三世尚書坊其陰萬邦總憲朱志為贈兵部尚書劉麟劉希聖南京兵部尚書劉廷元立毓秀門

外按
官亭

天中藩伯坊其陰三世二品朱志為贈布政使陸傳教封布政使陸瑞銓河南布政使陸之祺立

南司前
久圮

山高水長坊東湖志康熙五十三年署知縣金尚志為巡撫范承謨立弄珠樓前今圮

按邑中百餘年來風氣淳樸縉紳雖例得樹坊顧自朱志而下絕少增建茲第採范忠貞一坊餘概無所益云

陸清獻墓坊〔新纂〕乾隆五十二年知縣王恒建

按邑境墓閤興廢無常茲載清獻一坊以衛先儒墓道所

謂樵採有禁也外此不濫入

三節坊〔程志〕為諸生過漆妻俞氏貢士過橋妻陳氏贈御史過厚妻張氏立其陰〔程志〕為過

立常平倉西

貞節坊〔程志〕凡三一為諸生張昊妻孫氏立儒學前今圯一為儒士陸瀾妻宋氏立城西南一為儒士陳常道妻

俞氏立常平倉西

貞烈坊〔程志〕為諸生戴裕津聘妻趙氏立常平倉西

節孝坊〔新纂〕雍正四年奉

旨建節孝祠前凡閭邑具題旌表貞女節婦皆得列名其上

按程志載節孝坊五考前明旌例綦嚴非有子姓服官莫

邀恩賚故旌者寥寥

國朝敦重名教凡核題合例貞節概蒙

恩典今邑中旌表以百計張志僅載四坊節孝坊為鮑匡衡妻吳氏立邱墳塘貞垂

形史坊其陰烈振寒宮為監生陸銘鐘妻屈氏立外永寧坊乾隆四十六年圯節孝坊為黃如楠妻高氏立乍浦陸家橋貞女坊為姚培善聘妻黃氏立計家街西未免挂漏茲故以祠坊統之其餘

雖例給坊銀列女傳具在不備書

平湖縣志卷三

平湖縣知縣候補同知王恒修

海防

海塘
軍餉

兵制
汛守
前明倭變附

邑為瀕海之區前明倭寇告警民無寧歲

盛朝海不揚波邊隅永靖而慎營制嚴斥堠足軍精匪獨捍海

有塘陽侯率職也易曰澤上于地萃君子以除戎器戒

不虞盖

聖人之先事綢繆者至矣志海防

海塘

按舊志海塘入塘堰康熙中題准石土塘工專交海防同知管理故改列于此仍先載沿海形勢以

提其要至海禁乃防海之重務因備錄之

控制程志海潮東北自金山來西南至浙江為上潭自浙江

回歷海寧黃灣至澉浦海鹽為下潭皆險要可泊舟按潭嘉興府圖

記作潭潭同灘瀨也水流沙上也此與皆可泊舟之義為合浙江通志嘉興府惟平湖海

鹽二縣境東臨大海南澉北乍延袤百七十里寧紹諸山隱

隱列拱白沙梁莊西海口秦駐山黃道港諸處皆為郡境之

衝而乍浦一關尤稱緊要控據海岸翼蔽金山外通羊澹大

洋實與江省相為唇齒法志海寇自黑水大洋不五六日抵浙直之地西過馬蹟灘許羊山歷崇

明七了白茅劉家河吳淞黃浦白沙灣諸港可犯蘇松過大小衢山徐公山石塔山馬鞍山則登梁莊乍浦西嘴頭直犯

嘉湖入鰲子門赭山錢塘江則薄省城大抵以乍浦為首蒲圭為尾實西浙之咽喉東吳之門戶也

塘堤嘉興府柳志叅程志舊名太平塘在縣東南三十里按塘

外即海海去縣三十里則海塘去縣亦三十里舊志作三十四里誤乍浦海岸東十里至梁莊

寨又東四十里抵南直金山衛華亭縣界周家涇西南三十

六里至海鹽縣界凡二千二十丈元至正甲申海鹽令顧泳

重修改名捍海至元嘉禾志防海水漲溢故名捍海塘明洪武三年圯邑民潘

允濟言于朝遣官監築易土以石凡二千三百七十丈二十

年復圯叅議閻察監修永樂三年又圯右通政趙居任等按

治募浙西蘇松等九府夫增土修築而周家涇獨山一帶仍

為土塘宣德五年始分平湖成化五年知縣李翥比例海鹽

縣境石塘牢固按海鹽石塘築法有二其一為坡陀塘改疊砌為整石斜砌磊碎石于內支之蓋仿宋王

安石之鄞縣塘式成化十三年副使楊瑄所定也一為魚鱗塘縱橫疊石下濶上縮累十七層嘉靖二十一年僉事黃光

昇師宏治中鹽令王璽之法而變通也二法最善至今循沿之柳志所云此例者蓋仿正統中僉事陳永雜用瓦礫填中包以巨石之制爾奏聞命下三司督同府同知楊冠通判張永等相

視經度計條石椿木等料價銀二萬五千九十三兩倩工甃砌七年七月初三日颶風大作海潮泛溢自雅山東至楊樹林俱為衝浸知縣郝文傑計量修築圯壞者五百一十丈九月初一日風濤復作內塘修完者自周家涇東至獨山皆為衝圯其害視前尤甚主簿陳善奉府檄重修八百一十九丈其未完者宏治二年計費募工買石甃砌萬歷三年五月晦海溢塘壞自海鹽教場迄北至於乍浦一帶皆開河取土築塘以錢糧不給中止按海鹽圖經萬歷乙亥之變水出地二丈餘內河皆成鹹流塘盡圯巡撫徐斌

督官興修從同知黃清議石塘內宜更為土塘開新河以為廝渠即以其土築新塘兼便行舟運石海鹽遂開白洋河故道獨乍浦以費乏中止顧北路潮勢小而荒蕩多利于開濬與南路一帶不同當時工勤于南而顧靳于北有未可解者

嘉興府袁志自此歲徵塘夫銀六百一十五兩按舊志作二百十五兩誤今

從賦役全書訂正有奇以備工作時知縣黃焯議塘石外平內畝潮

衝易壞合將畝石橫攔平石縱砌計可久遠然因仍補葺其議卒未行

浙江通志

國朝康熙五十九年總督覺羅滿保題准海鹽平湖二縣石土

塘專交嘉興府同知管理銜內添入海防字樣專任責成小有損壞即時修砌其屬轄之巡檢場員聽其調委分任雍正八年獨山東西茅竹寨等處衝坍石土各塘三百五十餘丈

總督李衛飭令搶修幸不蔓延九年題准折修獨山東西石塘九十丈一尺加高幫濶培厚土塘凡一千二百九十一丈八尺并乍浦城西石街等處加高土塘一千一百四十丈十一年三月修乍浦服字號石塘一十五丈有奇又自益山脚起至獨山司城加培土塘一十四段長七百八十餘丈六月二十等日風潮衝損獨山文乃位讓各號土塘二十餘段長三百餘丈估計修築張志乾隆二年復修獨山石塘二十七

年秋風潮坍卸獨山石塘二十餘丈十二月搶修工竣二十八年獨山石塘黃字號至月字號止長七十丈塘根被水汕齧椿木朽爛根石外浮塘面內徑巡撫熊學鵬題請折築新纂乾隆四十六年六月十八日夜颶風大作海水溢入塘內潑損乍浦獨山石塘天字號起至湯字號止長一千九百五十一丈九尺附石土塘一千六百九十丈二尺布政司國棟勘明坍塌塘石自一二層至五六層有差估計工料署知縣高福詳明捐廉興修嗣因工段綿長勢難遍察比照三十五年海鹽縣修塘成例請遴委隣縣協同監督奉知府楊仁譽檄令嘉興縣監修冬字等號小坍塘一千四百七十二丈七尺工料銀七百七十九兩有奇石門縣監修天歲等號大坍塘四十二丈二尺地字等號次坍塘三百四十三丈工料銀七百七十兩有奇本縣監修律字等號大坍塘九十四丈工料銀一千三十七兩有奇四十七年四

月趕築完竣五十二年十一月知縣王恒捐俸折築獨山天

字號大埧石塘七丈通計縣境海塘石土塘堤凡長六千三

百四十八丈九尺附石土塘長二千一十八丈九尺土備塘

長一千五十九丈一自江南金山縣界起至茅竹寨止土堤

長三千五百二十二丈一自茅竹寨起天字號至獨山東脚

歲字號止石塘長五百二十二丈二尺極衝天字號二十丈地字號二十丈

元字號二十丈黃字號二十丈字字號二十丈宙字號二十

丈日字號二十丈月字號二十丈盈字號二十丈昃字號二十

十丈辰字號二十丈宿字號二十丈列字號二十丈張字號二

十丈寒字號二十丈來字號二十丈暑字號二十丈往字

號二十丈秋字號二十丈收字號二十丈冬字號二十丈藏

字號二十丈閏字號二十丈餘字號二十丈成字號二十丈

歲字號二十丈附石土塘長五百二十二丈二尺一自獨山西

脚至益山東脚土塘長七百八十九丈一自湯山西脚至楊

衙墳土塘長一十九丈一自天后宮前起律字號至乍關鎖

鑰崗字號止石塘長三百九十九丈四尺次衝律字號二十丈呂字號二十丈

十丈調字號二十丈陽字號二十丈雲字號二十丈騰字號二

十丈致字號二十丈雨字號二十丈露字號二十丈結字

號二十丈為字號二十丈霜字號二十丈金字號二十丈生

出字號二十丈麗字號二十丈水字號二十丈玉字號二十丈

丈崗字號一十九丈四尺附石土塘長三百九十九丈四

尺一自乍關鎖鑰起劍字號至海鹽縣界湯字號止矮石塘

長一千九十七丈三尺劍字號二十丈號字號二十丈巨字號二十丈

十丈稱字號二十丈夜字號二十丈光字號二十丈果字號二

十丈珍字號二十丈李字號二十丈奈字號二十丈菜字

號二十丈重字號二十丈芥字號二十丈薑字號二十丈海

字號二十丈鹹字號二十丈河字號二十丈淡字號二十丈

鱗字號二十丈潛字號二十丈羽字號二十丈翔字號二十
 丈龍字號二十丈師字號二十丈火字號二十丈帝字號二
 十丈鳥字號二十丈官字號二十丈人字號二十丈皇字號
 二十丈始字號二十丈制字號二十丈文字號二十丈字字
 號二十丈乃字號二十丈服字號二十丈衣字號二十丈裳
 字號二十丈推字號二十丈位字號二十丈讓字號二十丈
 國字號二十丈有字號二十丈虞字號二十丈陶字號二十
 丈唐字號二十丈民字號二十丈瑞字號二十丈周字號二
 十丈發字號二十丈商字號二
 十丈湯字號三十七丈三尺
 附石土塘長一千九十七丈
 三尺又乍關鎖鑰至海鹽縣界土備塘長一千五十九丈

按今制險工以條石疊砌凡一十七層為石塘次則縱橫
 包砌填以碎石凡五層為矮石塘積土培于石塘內使石
 不內銜為附石土塘遠于石而另築土岸以副之為土備
 塘其曰土堤者則猶太平塘之舊址也至編列字號則創

于嘉靖中僉事黃光昇云

又按沿海自益山至湯山約五里以山為捍不另築塘諸
 山土石相兼奸宥屢謀開採雍正八年總督李衛乾隆二
 年總督嵇曾筠十八年巡撫雅爾哈善以海潮障蔽攸關
 先後立石永禁近復有濱海居民私挖觀陳等山亂石
 蒞任即申明飭禁後之守土者尚加意焉

海禁朱志順治十二年奉

旨禁海十六年海寇馬龍來降泊舟乍浦登岸縣報督撫令本身
 及兵丁器械俱送至省候

旨定奪十八年兵部尚書蘇某會同總督趙國祚提督田雄親臨

遷界以非衝要只立界海塘外禁民捕魚康熙八年撤去前立邊界許民照舊居住十一年准令沿海漁民乘筏採捕十

三年因閩警復行禁海二十二年復禁乘筏挿扞巡海每從海塘至乍

浦駐劄東至江南金山縣界止二十三年三月初三日奉

旨開海令民成造五百石沙船出洋買捕輸稅詳建

兵制按舊志皆首列民兵舖兵弓兵于前而次陸兵水兵于後非體也民兵等在明猶為名副其實近則

民壯弓兵俾于皂隸舖兵僅主文移非若水陸兩營自明迄今專司巡防者可比用是更定其次第如左

陸兵海鹽圖經叅程志明洪武十九年築乍浦城垣設守禦

千戶所建署置正千戶一員副二員管軍百戶二十員員轄

總旗二人小旗十人軍百人隸海寧衛調官軍湯成等守禦

列烽燠五座獨山高公山陳山觀山菴山山寨十四座獨樹東寨獨樹西寨蒲山外寨蒲山

東寨蒲山西寨蒲山大寨東山寨東山嘴寨益山寨唐家灣寨聖妃宮寨周涇寨金家灣寨西海口寨正統七

年倭再寇乍浦吏兵不能支戶部侍郎焦宏奏調海寧衛後

所官軍移置乍城貼守正副千戶三員惟百戶止十員建署于所

署拓梁莊堡為城亦以衛指揮一員統官軍戍焉增設騎操

馬百五十四匹成宏而後海上無事諸弁尚文雅軍亦服四

民業者多尺籍虛嘉靖中馬額減至二十四匹武備衰耗倭變

適大作衛所軍不堪用乃募民為兵兵制因大變初浙有考

選把總四員府袁志以統衛所銜曰備倭三十六年以事權不重題奉欽

依以都指體統行事由朝授浙西者曰海寧總駐乍浦建署

城隍嘉湖叅將及兵備副使設嘉海防守陸營十營各五百餘人

海鹽中後兩營守乍每營名色把總一員哨官四員隊長一

十五名什長四十五名正兵四百五十名火兵四十五名雜

流五十五名按月操演春汛更撥杭州營兵五百名協守至

五月方撤尋以警息議銷兵隆慶四年巡撫谷中虛定嘉興

區兵制凡一營五總中總守嘉興左後總守海鹽右總守澉浦以前總營守乍計

五哨色把總一員哨官五員隊長正兵共五百十名戰

馬一匹雜流吹鼓旗手二十五名萬歷二十五年巡撫劉元

霖以乍地尤衝要兵力單弱奏選二所軍餘增設一總名

左營改左總為中左營中總為標營計四哨名色把總一員哨官四員隊長

一十二名什長三十六名兵三百二十四名戰馬一匹雜流

二十四名汛期前營民出守梁莊東至大營盤與金山營西

至乍教場按浙江通志作牛橋與本區左營各官兵會哨海防類考乍浦所撥哨籌

三十根每年三月十五日起至六月十五日止每日遞發一

簿登記遞到籌號姓名日時每五軍左營出守西海口東至

日驛送軍門并就近該道查考

梁莊大寨與前營南至白馬廟與海鹽後營各官兵會哨一

統志

國朝順治十七年所廢按二所千百戶裁汰年分舊志失嘉興

府袁志叅朱志經制官兵皆駐劄郡城以偏裨各官分防沿

海各汛七年因海寇窺犯調撫湖兩標兵協防尋撤十三年

移嘉協右營守備一員駐防乍浦署即明欽依把總督隸遊擊浙江通志康熙

五十年改遊擊為副將馬步兵九百名撥防沿海及內汛康熙四年派

定管轄右營專轄嘉善平湖王江涇斜塘天寧莊五年調兵

八十五名赴太湖營八年為會閱沿海等事題定乍浦目兵

三百三十五名分防沿海臺寨二十一處九年裁兵九十名

按朱志作八十一名誤從高志更正本營實存馬步兵七百二十五名內隨防

乍浦一百八十三名餘分防平湖嘉善海鹽秀水各縣汛馬

一步九乍浦志五十七年撤調斜塘汛千總一員兵三十名

歸乍浦防西山嘴砲臺未幾設水師千總及兵防仍撤去嗣

又陸續撥兵歸郡乍浦存兵一百五十三名新纂內養廉八

名公糧五名乾隆四十七年奉文裁改公廉現在守備駐防

乍浦帶兵一百四十名內馬兵九名戰兵四十八名守兵八

十三名馬九匹快唬船二隻浙江通志分防平湖縣城把總

一員按今駐防邑汛或干總或把總無定設馬步兵丁九十九名快唬船三隻

新纂雍正五年添設協防外委一員駐新帶乾隆四十七年

奉文裁改養廉公糧兵一十一名現在分防平湖帶兵八十

八名內馬戰守兵隨時拔降無定額

按明制二所官軍陸守烟墩水駕戰船本無分轄此海鹽

圖經所以獨標戍海一篇也程志分之頗多牽強若我

朝經制塘以上歸諸陸汛塘以下海面專屬水師故從高志例

分列

水兵海鹽圖經叅程志明洪武四年海民沈保童用竹筏載

倭登掠海鹽始置衛所巡禦每千戶所設備倭船十隻每百

戶船一隻每船旗軍一百名戰船為大青為風尖為八槳海籌

圖編戰船有七百料五百料汛月出洋巡倭兪州史料防海

四百料二百料尖舫之殊汛月出洋巡倭者以三四五月

為大汛九十月為小汛其所向一視乎風倭國事甚凡倭船

之來恒在清明之後前乎此風候不常屆期方有東北風多

日而不變也過五月風自南來不利于行矣重陽後風亦有

東北者過十月風自北來亦非倭所利矣故防倭者以此五

月為汛也永樂七年革烟墩盡調衛所船協哨沈家門水寨沈家

門在定海洋外舟山普陀間去浙西千里非本衛衝要必守

之地洪熙元年右布政使周幹請撤歸近海各守汛地宣德

三年行在兵部又以為言皆未果撤至正統間始撤回海寧衛志

正統以前衛指揮千百戶率軍乘船往沈家門防倭半年始

更番或遇颶風全溺或病死每更番哭聲震地海口居民劉

鳳奏云海東遼遠顧彼失此枉喪生靈請罷之下議責居民

可保無虞否鳳遂自保之乃罷役按各舊志作宣德二年

撤者俱誤增沿海堡戍草出海五百料金字號戰船七十二隻止

留小尖哨船二十備乍之西海口不復遠戍嘉靖中海船廢

盡海防類考各區戰船先年俱于衛所食糧旗軍內選駕海

寧總計二十隻後損者不修缺者不補倭變船無可用

三十六年郡城設水兵營五兵數同陸營而海上募福建倉

山福清小哨叭喇唬八槳等船七十七艘按各志作七十八者俱誤設海

鹽澈浦乍浦三關立把總三員哨官十員正副捕舵繚旋梢

手散兵共二千餘名遇汛輪番出哨羊澣一作二山汛畢各

守本關在乍浦者泊西海口謂之下關在海鹽者泊白塔港
 謂之中關在澉浦者泊黃道廟謂之上關隆慶三年汰海澉
 二關留乍浦一關四年定制凡四哨一哨羊山一哨澉山一
 哨西海口一哨白塔港其哨守之規各哨所占山巒南與臨
 觀海哨會北與金山吳淞海哨會王樵樵李記自倭亂平三
 關改為四哨白塔港為一
 哨兵船九艘哨官一人領之乍浦為一哨兵船八艘叅將中
 軍把總領之澉山為第二層門戶立為一哨用蒼船二艘沙
 船小哨船叭喇唬船共一十六艘水兵把總一員領之羊山
 為第一層門戶立為一哨用船如澉山之數備倭把總親督
 領者舵用募兵貼駕用軍兵萬歷三年貼駕復改用民兵時
 以倭警久息又裁白塔港哨船之半不數年釜山見告海上
 復修舊備黃道關亦增設哨船為中游右哨而以白塔港為

中游左哨每遇汛期督撫軍門檄兵巡道同叅將至乍督發
 兵船出戍海洋督撫則間歲一親行焉中游左哨本叅中軍
 官統領沙船五隻小哨船七隻唬船十隻捕舵兵薪四百一
 十名平時沙船收泊乍浦併綜合操小哨船泊秦駐山唬船
 分派內河巡緝鹽盜汛期俱泊白塔海港遇警策應遊守各
 哨仍輪撥兵船與本區羊澉西海口官兵會哨海防類考舊
 規水兵逼汛
 彼此會哨取單查考近來率多虛應就于近洋交單致賊至
 外洋隱匿不報今刊刻哨符編號印發把總各官照依派定
 處所給符填注發日時刻往來中游右哨本叅中軍官兼攝
 會哨交符即填到時汛畢繳查
 小哨船三隻唬船六隻捕舵兵夫一百五十六名泊守與左
 哨同汛期專派黃道廟哨守羊山哨備倭把總統領總哨官

一員福蒼沙哨唬等船共二十隻捕舵兵薪三百四十六名
 駐泊西海口汛期出守羊山聖姑礁輪撥兵船前往浙東沙
 塘衢東等畧并直隸吳淞官兵會哨許山哨總哨官一員福
 蒼沙哨唬等船共一十九隻捕舵兵薪三百六十六名駐泊
 西海口汛期泊守許山輪撥兵船往沙塘衢東等畧并直隸
 金山管官兵會哨守關哨總哨官一員蒼沙哨唬等船共一
 十八隻捕盜兵薪三百六十名駐泊西海口汛期出守唐家
 灣每上下半月輪撥兵船往沙塘等畧并金山管官兵會哨
 天啟間因守關與出洋勞逸
 不均三哨遞年更番輪易 叅將于各哨撥福蒼等船一隻
 并網船六隻居中往來調度汛畢收泊乍浦關即西海口訓練仍

撥叭喇唬船輪出外洋哨探嘉興水兵協守哨本道中軍官
 兼攝巡哨哨官一員唬船一十四隻每船捕舵兵一十六名
 家丁一名派守嘉興西北二塘巡緝鹽盜汛期出海協守西

海白塔二處海洋與該關兵船會哨

兵備道車大任出汛篇
石刻乍浦在平湖廿里

外大海密邇賊船得風瞬息可達嘉靖乙卯之事可鑒哉余
 濫竽備兵春汛偕馬叅戎及文武將吏誓師而返紀事六章
 材官分水陸大將善防倭月酌吳山上花吟越海阿潮聲喧
 鼓吹檣影綴干戈銅柱千秋績還歸馬伏波鸞鳳彌花縣貌
 貅肅柳營繭絲敷惠政韜畧重邊城海吼因潮見山行與石
 爭人和天更險夜析盡銷聲烟霞臨風靖天戈耀日暉書生
 慙俎豆亦欲試戎衣蛟室渾難辨蜃樓淡若飛陽回凍未解
 庶或助兵威石澗潮侵岸雲蒸花滿堦短衣堪射虎當道莫
 容豺越國雄風舊秦山瑞氣佳乍晴翻積雨天為掃陰霾聞
 道嚴招撫先聲好豫防昔年殷鑒在今日帝圖昌雲漲干郊
 麥春濃萬樹桑勝兵良吏具仁義是金湯歡聲傾海甸喜色
 動茅茨為有舞干化同欣納款時四夷長自守六月詎興師

擊節塞帷罷停盃再
賦詩萬歷甲辰仲春
朱志

國初裁汰浙江通志參乍浦志雍正二年設乍浦水師營游擊

一員守備一員千總一員把總二員兵五百名官馬一十六

匹營房五百間署及營房戰船一十隻編列時內水艍船二

隻每船配兵六十名南艍船四隻每船配兵三十二名哨船四隻每船配兵二十名分

配紅衣砲八位百子砲四十位劈山砲二位分防乍浦口址

按期酌配官兵編定專汛隨踪扼守跟踪更番出洋巡哨按

將守備在洋扼守千把總在洋帶汛外委五年添設外委千總一

員外委把總二員七年題准嘉協右營守備屬乍浦營遊擊

就近兼轄仍聽嘉協節制九年改游擊為參將不受副將

制雍正二年九月兵部為請更浙閩等事議覆福浙總督覺

羅滿保疏稱嘉興所屬之乍浦與江南洋面交界最為緊

要臣擬於乍浦營設兵五百名撥定海鎮標戰船十隻以副

巡防此應設兵五百名於水陸各營內酌量改撥浙省瑞安

營原設馬兵九十八名鎮海營原設馬兵一百二十六名今

既設為水師毋庸安置馬兵查馬兵月餉二兩馬乾一兩共

三兩戰兵月餉一兩五錢是馬兵一名每月餉乾可募補戰

兵二名請將瑞安鎮海二營馬兵二百二十四名改為水戰

兵四百四十八名除歸還瑞安鎮海原額二百二十四名外

其餘二百二十四名撥歸乍浦營令其招募配防止須加給

古依

議七年怡親王等會同兵部為遵

平海防

卷三

三

旨議

覆事浙江總督李衛條奏水陸營制事宜一摺內一欵奏稱乍浦當江浙之衝為海洋要口向有嘉協右營守備駐劄分防陸汛而水師洋面則定海鎮右營汛地相隔遙遠巡防不及雍正二年添設水師營遊擊誠屬因地制宜但一城之中水陸兩營不相統屬呼應不靈以嘉協右營原防之西山嘴砲臺天妃宮汛地改歸乍浦水師營撥干總一員輪防陸路弁兵撤回另行派防將嘉協右營守備並聽乍浦遊擊管轄乍浦遊擊聽嘉協副將節制使彼此聯屬不致號令兩岐惟選拔員弁水陸技藝不同仍照舊例自行起送等語查乍浦原係嘉協所屬向派嘉協右營守備分防西山嘴砲臺天妃宮陸汛其水汛洋面俱係定鎮右營將備輪流配船巡哨嗣經乍浦添設水師遊擊將水汛責之乍浦遊擊陸汛令嘉協右營守備原防陸汛改歸乍浦營派撥干把總輪防該守備並聽遊擊管轄遊擊聽嘉協副將節制彼此聯屬交相控制似屬得宜應如該督所請准其改撥管轄奉

旨依議

勅關防行文禮部鑄造換給可也奉

增馬二匹乾隆十九年總督

現屬乍浦遊擊管束操練兵數已多似應將乍浦水師遊擊改為水師參將其陸路在乍之備弁兵丁并本城內外地方仍聽其兼轄遊擊既改參將毋庸聽嘉協副將節制等因應如所請准其改設應給傳

喀爾吉善奏移海寧兵備道標下守備一員干總一員把總二

員外委四員從營文添載塘兵一百名隸乍浦水師營添建營房

一百間營分左右以舊守備領左營新守備領右營兩營勻

派各三百名張志三十三年裁水艍船一隻新纂三十五年

叅將王作賓因水陸汛務不同詳請裁去兼轄字樣專管水

師按乍浦志修于乾隆丁丑已載有守備止隸副將之文今從營中移文纂入四十七年裁改養

廉公糧兵一百三名現在實兵四百九十七名內水戰兵一

百七十三名水守兵三百二十四名

滿洲水師浙江通志泰乍浦志雍正六年移杭州滿洲右翼

副都統一員駐劄乍浦領左右兩營設協領五員內蒙古一員佐

領一十一員內蒙古三員防禦八員內蒙古二員驍騎校一十六員內蒙古

古四員理事同知一員筆帖式二員派杭州江寧甲兵各八百

名共一千六百名內領催九十六名十一年領催內委署前鋒校十六名甲兵內委署前鋒一百八十

四官馬一百三十五匹甲兵馬三百匹給營房三千二百間

堆子房一十六所署及營房並詳建置杭州兵駐左營江寧兵駐右營

教習舵水綠旗兵四百名營房四百間置戰船二十二隻編分

寧謚字號內大趕船九隻小趕船九隻南船四隻分配大

砲一百一十位于西山嘴海洋操演平時收泊海口按舊名潮

開通海潮以收海船潮至則開潮平則閉洪武二十七年乍浦千戶所置後漸淤塞設滿營時復行開濬水陸門

設堆子房六所佐領等率兵值宿掌管鑰兼轄西山嘴砲臺

而洋汛會哨皆不與七年三月奉

上諭加恩各省駐防兵丁乍浦賞銀一萬兩交與該都統營運生

息如兵丁家有吉凶之費將息銀量給以濟其用八年立演

武場于東門內詳建十一年添設弓匠十六名箭匠十六名

鐵匠十六名乾隆十五年乍浦副都統額爾登題裁南船

四隻二十年裁甲兵馬二百五十四匹二十五年又裁大趕船

船四隻小趕船四隻其綠旗教習四百名雍正九年添設

外委千總一員外委把總二員歸叅將管轄乾隆十一年巡撫常安題准酌留二百名其餘俟有缺出停其募補即將滿州餘丁挑補部議止留六十名十二年將軍薩爾哈岱以不敷戰船之用題留一百一十五名十五年副都統額爾登又題留二名張志三十六年准部咨水手四百名裁汰一百五十名額留捕盜正副舵工繚旋斗手二百五十名

浙江通志 雍正六年

四月鎮守杭州等處將軍鄂彌達等題為欽奉

上諭

事准兵部咨開雍正五年十月議政王大臣內閣九卿奉諭滿州兵丁弓馬技勇均屬優長人莫能及惟於水師向來未曾練習是以朕令天津地方設立水師營以教習之今思杭州駐防兵丁既在濱江沿海之地亦當令其學習水師之事著鄂彌達李衛悉心商酌應於何處設立營房如何布置期於妥協若照潼關之例於杭州駐防之壯丁中挑選充補令其練習似於兵丁有益而國家亦得水師之用不知杭州壯丁中足敷挑

選

否亦令鄂彌達李衛酌量欽此欽遵移咨到臣隨咨會督臣李衛細加酌議查浙省沿海之地惟嘉興府屬平湖縣之乍浦地方係江浙接壤東與江南松江之提臣海道遙遠南隔寧波提臣海道四百餘里此地間於二處之中與省城海口之驚子門甚近臣等相度地勢情形雖內港不甚寬廣然此地實為江浙兩省海道咽喉通達外洋諸國最關緊要且離杭州止二百八十餘里水陸俱通往來甚便與省城駐防滿兵聲勢聯絡首尾照應該處駐劄滿洲水師官兵實有裨益至乍浦城週圍九里三分距平湖縣僅三十里城垣新經修理堅固城內有民間菜園稻地可買甚是寬濶且尚有零碎官基堪以奏建衙署營房民情無不樂從本年二月二十七日副都統臣備圖

陛辭

皇上

詢及浙省添設水師兵數臣備圖 奏對浙省添設水師兵

聖諭

須得一千名隨奉 一千似乎兵單須得二千纏好欽此臣等查康熙五十八年駐杭滿洲蒙古兵內奉調往雲南進藏時杭州添補滿洲蒙古兵一千名曾准部咨遇有事故缺出汰除不補等因在案今尚存未汰兵四百八十名將滿洲蒙古八旗另戶通數兵丁內挑選少年精壯者四百八十名再將滿洲蒙古八旗另

戶壯丁內少年精壯者挑選三百二十名合為八百名之數俟乍浦地方營房建造完竣之日先令帶領前往學習水師之事水師營額兵內事故缺出若無隨帶子弟頂補將杭州間散壯丁挑選少年精壯者頂補杭州額兵內事故缺出即將杭州壯丁選補如杭州乍浦兩處兵內或有老病退甲伊等父子願就養膳俱聽從就養其新設立水師營應添設官員兵丁或於京城或於江南調撥來浙之處恭候

皇上 旨遵

諭旨

旨依

行臣等管見杭州已派兵八百名作為一營抑或京城江南調撥八百名來浙共一千六百名分為兩營演習時一營存城看守一營帶領操演輪流習學始能熟練至奉諭旨設立二千名其所少四百名之數臣等查得乍浦綠旗水師兵五百名係雍正二年於請更閩浙等事案內部議特行添設自乍浦海口以及大小羊山一帶令其永遠巡防奉旨依議欽遵該營海汛與提標右營分界直至江南洋面在營兵丁各有哨巡海洋把守汛地墩臺城寨之責難以移動其浙省沿海水師各營兵丁每年配船出洋者水性船務自必諸練若全於一處抽調恐誤波處洋汛巡防請於各營內按兵數多寡均勻派定挑選四百名改為新設滿洲水師營之捕盜頭舵繚手阿板舳板舵手水手等項之用共合二千名之

皇上 欽點

數其各營兵額仍令募充補足於沿海巡防仍可無悞此外如有尚不敷用者暫著地方官另行僱募照例給與工食俟滿洲水師熟練之後將僱募之捕盜等仍行發回以節錢糧其乍浦水師營弁遇非哨巡在洋之時即可令其幫同旗員教習滿兵水務庶省隔汛另調之煩其杭州選撥水師共八百名共議編為八個佐領內滿洲每旗七十五名共六百名編為六個佐領設協領二員即著仍兼管佐領只須添設佐領四員防禦三員驍騎校六員每佐領下小撥什庫六名蒙古每旗二十五名共二百名編為兩個佐領添設蒙古佐領二員防禦一員驍騎校二員每佐領下小撥什庫六名或京城或江南挑撥官員兵丁亦照依杭州先行派定之數駐杭原有滿洲蒙古漢軍兵三千二百名將軍一員滿洲副都統二員漢軍副都統二員伏祈 皇上或就于本省四員副都統內 欽點一員前往統轄或於京城另選賢能大臣統轄應給關防及隨印筆帖式二員設理事同知一員管理旗民事務其官員俸餉米石并撥什庫錢糧俱照天津水師營之例支給每兵每月給錢糧一兩五錢米三倉斗官兵俸餉米石即於嘉興府屬之解司錢糧米石內就近撥解乍浦城按月支給至於官兵房屋應照天津水師官兵之例給副都統房二十間協

命下

領房一十五間佐領房一十二間防禦房八間驍騎校房六
 間筆帖式房三間兵丁房二間恭候
 之日臣李衛選擇能幹文職官員支領錢糧於乍浦地方將
 勘定處所官基民地分別丈撥購買造設營房工完核實報
 銷所有水師營船隻照天津水師兵配駕之例大號趕船
 每船應用捕盜一名舵工二名小號趕船每船應用捕盜二
 名舳板二名水手二十名小號趕船每船應用捕盜一名
 舵工二名繚手一名旋手二名阿板一名舳板二名水手一
 十二名查天津水師營大號趕船每隻堪容八十餘人小
 號趕船堪容五十餘人每船需大砲五位小二號趕船隻
 海內水勢深淺風勢大小不一若兼造大小二號趕船隻
 不拘風勢大小水之深淺俱可撐駕共需用大號趕船十
 隻小號趕船十隻每船應隨帶小舳板一隻以足二千名
 兵丁之用再查乍浦洋面附近江南之處多係沙塗更與別
 處洋面不同若盡用趕船則駕駛不甚便利應於大小趕船
 船數內各減去一隻改造南船四隻則洋面可以適用俟
 命下之日即行動項辦料興工其船隻及船上所需棧木舵柳櫓
 木棕椗繩繚索等項係屬緊要應行地方官務須悉心料理
 堅固其官兵應用器械仿照天津設立俱為鳥鎗水師巡防
 出哨火箭藤牌挑刀等項船上所用旗纛及演習所用藥彈

命下

俞允

俱照海洋趕船內配用數目照例交地方官製造給發應
 用杭州官兵俟
 起行之日交鹽驛道備辦船隻送往乍浦水師營兵操演之
 時該臣等每年春秋二次分班前往查看操演俟演習精熟
 之日停其往查臣等識見淺陋伏乞
 皇上勅部議覆施行經議政王大臣等會議應如所請覆奏奉
 旨依議 九月十九日奉
 旨副都統傅森領兵駐劄乍浦 新纂三十四年二月乍浦副都統

舒景阿題准八旗兵丁內酌量籠統裁甲兵一百名 內裁領
 催八名

將名糧給膳本營孤寡名為養育兵現在八旗領催委署前

鋒校一十六名領催七十四名甲兵委署前鋒一百八十四

名甲兵一千二百二十六名水手兵五十名 十一年至四十
 四年餘丁內陸

續挑 養育兵一百名匠兵四十八名綠旗舵水兵二百名 內
 捕

盜十名舵工十名梳手十名繚手十名斗 五十二年調甲兵
 手十名什兵十名水手兵一百四十名

五百名征勦臺匪凱旋蒙

恩賞賚

于東景詩細柳新開大將營時清軍令自分明春城二月東風裡鸚鵡螺吹出塞聲八旗子弟誇身手破敵弓刀捷有神一自軍容移海上使船如馬似南人

民兵程志明正統六年因江西寇作詔僉練民壯守禦原設

一百六十名按田編僉隨正軍操演保障城邑明會典天順元年令招募

民壯鞍馬器械悉從官給本戶有糧與免五石仍免戶下二丁以資供給如有事故不許勾丁宏治二年增

至三百一十四名按月操練巡捕衙統率詠化類編宏治間令州縣選民年二

十以上五十以下精壯之人州縣七八百里者每里僉二名

五百里者三名三百里者四名一百里以上五名春夏秋每

月操二次至冬操三歇三遇警調集官給行糧明會典隆慶

四年題准浙省額設民壯除留看守各府州縣城池庫獄外其餘徵收工丁挑選精壯之人設立隊伍萬歷間改歸典史聽各該總巡都把總官與軍兵合營操練

國朝裁汰二百五十名額設五十名

每名工食銀六兩遇閏加五錢康熙十五年全裁充餉二十二

年全復弓兵明會典明洪武二十六年定凡天下要衝去處設巡檢

司僉點弓兵應役程志嘉靖九年以乍浦白沙灣二巡檢司

沿海獨倍他處每司各設弓兵一百名省志作七十名與正軍同操

有事聽調隨伍倭變後因抽取工多所裁汰每司各存三

十四名隨操亦廢僅司巡鹽捕盜之事朱志

國朝額設乍浦鎮巡檢司弓兵三十一名白沙灣巡檢司弓兵

三十一名新纂康熙四十八年各裁汰一名每名工食銀三兩六錢遇閏加

三錢康熙十五年裁半充餉
十六年全裁二十二年全復

舖兵程志本縣額設縣前總舖七名惹山梁莊轉塘乍浦東
門舖各五名後每舖各減二名平時傳遞文移遇警則馳報

軍情朱志

國朝額設衝要縣前舖司兵五名

每名工食銀七兩二錢遇閏加六錢

偏僻轉塘

惹山乍浦東門梁莊舖司兵各三名

每名工食銀六兩遇閏加五錢共工食銀一百

八兩加閏九兩康熙十六年裁去四十八兩十七年續裁三十兩二十二年全復

按舖兵本非兵高志已不列兵制然程志載有馳報軍情
之文則有備無患亦得以兵槩之

汛守 按乍浦陸則梁莊為咽喉水則羊澣為門戶明初但知遠守沈家門其後又撤梁莊之戍以致倭寇

國朝修復營寨添建砲臺陸汛洋汛控制得宜近復審度形勢
乘虛民受屠戮閱舊志猶為色變已

扼重西山嘴海氛永靖良有以夫

乍浦城一統志海口重鎮浙江通志去海半里東接金山西

衛海鹽內捍平湖浙西之門戶也 詳建

梁莊小城海鹽圖經東去獨山五里距乍浦一十五里 按程

六里舊省志作二十七里並誤與直隸金山衛信地為界外逼大海賊船由

羊澣山來達此登犯先年賊曾結屯正統中建城設官兵戍
之朱志嘉靖甲寅置不復守但設軍數名備探哨四十年知

縣顧廷對議移乍浦巡檢司居之仍設兵防禦高志

國朝置梁莊山寨與烽燧臺一併哨探 詳建

獨山巡檢司城張志在獨山南洪武中築城駐乍浦巡檢司

嘉靖中移駐梁莊詳建

白沙灣巡檢司城一統志距乍浦二十里經獨山稍折而東

海勢一曲為泊帆舊地明洪武中築城駐巡檢司詳建

按沿海汛守自西而東當首雅山砲臺今因乍浦為汛守

之主而梁莊在明為大寨獨山白沙灣俱巡檢司舊治故

仍舊志先列之

惹山砲臺朱志順治十八年修乍浦志陸營所轄撥兵一十

名

乍關鎖鑰新纂雍正間設即西海口乍浦志水師所轄撥兵

一十名

天妃宮砲臺浙江通志康熙五十六年總督覺羅滿保閱視

沿海事宜題請增築撥嘉協右營兵三十名守禦雍正七年

總督李衛題准改歸水師營撥千總一員與西山嘴輪防陸

撤歸府城乍浦志水師所轄設外委一員撥兵二十四名新纂在

苦竹山麓累石為基安設大砲四位上建閱操官廳三間乾

隆四十六年颶風大作海溢圮五十一年巡撫福崧伊齡阿

先後相度形勢繪圖 奏請奉

上諭 文恭紀 歸重西山嘴而天妃宮西但建五櫺小房二間移貯

砲位

西山嘴砲臺浙江通志康熙五十六年總督覺羅滿保題請增築五十七年將斜塘汛千總一員兵三十名歸乍浦營防

禦雍正七年總督李衛改歸水師營陸營弁兵撤歸府城續令滿洲水

師兼管乍浦志水師撥兵二十五名滿洲派防禦一員前鋒

校前鋒等二十名輪守新纂臺高一丈七尺週八丈五尺安

放大砲四位臺外有城形如壺蘆週二十八丈堞高三尺三

寸中建滿洲水師閱操官廳三間照房三間兩廂房各三間

乾隆五十二年知縣王恒捐俸重修

湯山寨朱志順治十八年添設乍浦志陸營所轄撥兵三名

觀山寨朱志順治十八年修乍浦志陸營所轄撥兵三名

唐家灣寨朱志順治十八年修乍浦志水陸各撥兵三名稽

查船隻

常山寨朱志一名長山寨順治十八年添設乍浦志陸營所

轄撥兵三名

東山嘴寨朱志順治十八年修乍浦志陸營所轄撥兵三名

陳山寨朱志順治十八年修乍浦志陸營所轄撥兵三名

金家灣寨朱志順治十八年修乍浦志陸營所轄撥兵一十

名

暈頂山寨朱志順治十八年添設乍浦志陸營所轄撥兵三

名

蒲山寨宋志一名外蒲山寨順治十八年修乍浦志陸營所轄撥兵三名

高公山寨朱志順治十八年修乍浦志陸營所轄撥兵三名

蔡岐港寨朱志順治十八年添設乍浦志水陸各撥兵三名

稽查船隻

澈浦寨朱志卽蒲山東寨順治十八年修乍浦志陸營所轄

撥兵三名

珠冠寨朱志順治十八年添設乍浦志陸營所轄撥兵三名

益山寨朱志順治十八年修乍浦志陸營所轄撥兵五名

梁莊寨朱志順治十八年修卽移梁莊城乍浦志陸營所轄

戊兵改設

撥兵五名

獨山寨砲臺嘉興府吳志康熙間添築乍浦志平湖汛所轄

撥兵一十名

茅竹寨朱志一名獨樹林寨順治十八年修乍浦志平湖汛

所轄撥兵五名

按前明沿海烽燧山寨合梁莊城凡二十座

國朝裁去者七曰獨樹西寨獨樹東寨蒲山大寨東山寨聖妃

宮寨

省志在陳山

周涇寨西海口寨添設者八曰乍關鎖鑰天

妃宮砲臺西山嘴砲臺暈頂山寨湯山寨常山寨蔡岐港

寨珠冠寨共二十一處西起海鹽縣界東至金山縣界止

其邑境官塘各汛一十三處附列於後

乍南水門汛新纂嘉協營所轄撥兵戍守

乍北水門汛新纂嘉協營所轄撥兵戍守

虹霓堰汛新纂嘉協營所轄撥兵戍守

高橋汛新纂平湖汛所轄撥兵二名

新帶汛新纂協防外委駐劄撥兵四名

廣陳汛新纂平湖汛所轄撥兵三名

青陽滙汛新纂平湖汛所轄撥兵二名

朱洞港汛新纂平湖汛所轄撥兵二名

紫青寺汛新纂平湖汛所轄撥兵二名

羊角滙汛新纂平湖汛所轄撥兵二名

海神廟汛新纂平湖汛所轄撥兵二名

金師娘橋汛新纂平湖汛所轄撥兵三名

新倉汛新纂平湖汛所轄撥兵三名

右陸汛

大羊山小羊山海鹽圖經浙西極衝要害羊山至澣山一潮

澣山至乍浦亦一潮倭來至陳錢山合鯨自陳錢至羊山復

占風分鯨犯澣直故羊澣尤澣西門戶永樂時哨沈家門則

已遠正統時撤而泊乍之海岸則已近惟哨羊澣於澣西海

徑有合浙江通志大小羊山相倚中隔一港三四里許大羊

山稍東南小羊山稍近西北正北有小山錯雜交浮洋面正東爲上川下川徐公馬蹟東北爲大七小七正南雙頭洞姚姓浦長白山正西爲許山灘山西南爲大小漁山爲東霍西霍閩省商船之收入乍浦者必由東霍西霍之北許山灘山之南西向入口收入上海者必由大七小七西向入口定海縣志康熙二十九年兩江總督福浙總督委江南蘇鎮左奇營遊擊丁際昌郭龍浙江定鎮左右兩營遊擊葉紀原爾懷等會同查勘江浙洋面分界隨據蘇鎮左奇營遊擊丁際昌等呈稱馬蹟在羊山之東羊山在馬蹟之西東西對峙中間雖隔有海洋及山巒南北參差不一今議以羊山馬蹟兩山

南面之諸山及海面總屬浙江北面者總屬江南是以兩山之南北分界非以兩山之東西爲界限也今除羊馬兩山南面各山係浙省之汛不造外其陳錢蘇寶蒲畧小七大七等山相應備冊呈送核定頒發碑文前赴羊馬兩山勒石可也又據定鎮遊擊葉紀等呈稱海洋向有界限卽馬蹟山龍山宮所遺石碑爲吳淞遊兵把總祝梓壽汛地且羊山有大小之分明季嘉靖年間倭寇吳淞同金山營官兵協守於小羊山浙江兵船亦駐泊於老羊山同江南船隻交相會哨則小羊山尙屬江南所轄豈馬蹟反屬江浙兩界之山乎况自定海山而抵馬蹟水程千有餘里若吳淞關出高家嘴卽是小

羊山出瞭角嘴卽是馬蹟山相距遠近不啻天淵應照歷來
 江浙官兵會哨之處以大羊山爲止南屬浙省北屬江省其
 先到者於大羊山太子畧插立木牌而轉建碑勒石以垂永
 久嗣後浙江海汛以大羊山爲界大羊山脚以北之洋島屬
 江南管轄江南海汛以馬蹟山爲界馬蹟山脚以南之洋島
 屬浙江管轄自西至東山島洋面俱以二山爲準各照分定
 界限巡哨勒石羊山永爲定例觀海指掌圖防江在於聯絡
 防海在於會哨會哨必於羊
 山羊山者海道必由之路山圍百里形似南箕中平如掌內
 有十八畧可藏海船數百海水鹹不可飲惟山頂一泉清淡
 可汲會哨必泊其中以避風汲水南至定海北至吳淞皆一
 潮可到蓋江浙之交界也故舟山爲浙江之屏翰而玉環鳳
 凰馬蹟馬墓等山輔之羊山又爲江浙兩省之屏翰而陳錢
 壁下大衢小衢諸山輔之陳錢中國海山之盡處海賊擊空

所而來風波無際望見陳錢則喜中國之將近而必泊於羊
 山以避風汲水視風然後分艖然必發艖於羊山羊山旣爲
 江浙之險要故防海之道賊犯江南而浙江官兵不至陳錢
 者罪在浙江賊犯浙江而江南官兵不至馬蹟者罪在江南
 俱以交牌號爲驗遇賊則江浙官兵聯絡爲一併力擊殺或
 搗其中堅或截其歸路或踵其後或犯其前毋使登岸入江
 爲第一策此江浙海防之大要也海防類考羊山屹立大海
 東窺馬蹟西應滄山南援衢洋北控大小七山此地之重者
 一也温台寧三府於汛期之際漁船到此而後分艖採捕南
 極漁山北極茶蛇二山渺茫千里處處皆船此地之重者二
 也此地不守則馬蹟可以結巢而徐公上下皆爲倭寇淵藪
 不惟許山有唇亡之慮而聲息不通應援阻絕衢洋當一面
 之衝浙西失藩蔽之固矣但羊山之外四顧汪洋陰霧迷漫
 咫尺不辨則難於瞭望港門錯雜潮勢縱橫備左右空備前
 後寡則難於防禦夫聖姑礁爲居中之地創爲老營而以小
 船數隻泊之羊山則張家嶼之北鍋灣嶼之東之警可備也
 以小船數隻泊之下釣則徐公之外馬蹟之內之警可備也
 以小船數隻泊之秀才等畧則衢洋之上沙塘之下之警可
 備也警可備也如此分佈則要害有守而浙西之門戶可固矣

乍浦志江南交界東南屬定標北屬崇明鎮西南屬乍浦營
 新纂距灘山一百二十里內有秀才畧巡檢插竹畧北有聖
 姑明礁為江南海泊經由要道無僻港暗礁堪以樵汲停泊
 灘山許山乍浦志屬乍浦營海鹽圖經許山最衝新纂灘山在羊山之
 西至澣山六十里距彩旗門一百六十里列峙大洋海泊經
 由無僻港暗礁無停泊處許山西北距黃盤洋一百五十里
 無僻港暗礁其北有小畧哨船可暫停泊
 魚腥腦乍浦志南屬定標北屬乍浦營新纂在羊山西南至
 灘山一百八十里距彩旗門三百里海泊經由無僻港暗礁
 無停泊處

黃盤山中四嶼山乍浦志東南屬定標西北屬乍浦營新纂
 距彩旗門一百八十里為乍浦往來海船經由要道無僻港
 暗礁無停泊處

野黃盤山乍浦志屬乍浦營新纂距金山五十里在四嶼山
 東北孤懸小島無僻港暗礁無停泊處按以上外洋

金山乍浦與江南交界西北屬乍浦營新纂距彩旗門九
 十五里逼近土堤無僻港暗礁無停泊處

菜薺門乍浦志乍浦境新纂即彩旗門距乍浦一十五里在
 金山之西無僻港哨船可暫停泊其東有馬公暗礁

白塔山巫子山乍浦志並澈浦境與嘉協左營交界新纂逼

近塘岸皆無僻港暗礁白塔山在彩旗門西巫子東巫子山距乍浦五十里在舜山東北白塔西南

舜山乍浦志南屬鎮海營西屬錢塘水師營東北屬乍浦營新纂餘姚縣境在巫子南逼近塘岸為澈浦鯨子門往來海泊經由之所無僻港暗礁無停泊處

笏杯山浙江通志乍浦西南與鎮海營接界新纂餘姚縣境距彩旗門三百四十里東北至舜山六十里逼近塗面無僻港暗礁無停泊處

西霍山七姊妹山浙江通志並鎮海營界北屬乍浦營按以上內洋

按高志洋汎營轄畧而不詳張志始采乍浦志注明內外洋究嫌其未備茲查核海洋圖所載補入

右洋汎


邊海營寨圖一



洋汎圖一

邊海營寨圖



海防





軍餉 按海鹽圖經載常積二倉糧一萬一千石有奇本折中半坐給乍後二所官軍本區民兵糧餉徵額已見食貨明賦役中細數繁多不及備載至
國朝滿營 及水陸兩營兵餉舊志缺載失體例矣茲詳晰移查條列于後若屯糧雖係衛丁完辦然其田實隸邑境例應附書

嘉協右營兵 **新纂** 大建月馬兵每名應支兵餉銀一兩九錢
戰兵每名應支銀一兩四錢五分守兵每名應支錢九錢七分米各三斗馬每匹應支馬乾銀一兩小建月馬兵每名應支銀一兩八錢三分三釐戰兵每名應支銀一兩四錢守兵每名應支銀九錢三分七釐米各二斗九升馬每匹應支銀九錢六分七釐

乍浦水師營兵 **新纂** 大建月戰兵每名應支兵餉銀一兩四錢五分守兵每名應支銀九錢七分教習舵水兵每名應支銀二兩米各三斗小建月戰兵每名應支銀一兩四錢守兵每名應支銀九錢三分七釐教習舵水兵每名應支銀二兩米各二斗九升

滿洲水師營兵 **新纂** 大建月前鋒校領催每名應支兵餉銀三兩甲兵 委署前鋒同 每名應支銀二兩米折銀各一兩八錢米各一石水手兵每名應支銀二兩米三斗養育兵匠兵每名各應支銀一兩米五斗馬每匹春季應支馬乾銀一兩四錢二分五釐夏季應支銀八錢五分八釐秋季應支銀八錢四分冬季應支銀一兩三錢九分五釐小建月前鋒校領催每

名應支銀三兩甲兵每名應支銀二兩米折銀各一兩七錢四分米各九斗六升六合七勺水手兵每名應支銀二兩米二斗九升養育兵匠兵每名各應支銀一兩米四斗八升三合三勺馬每匹春季應支銀一兩三錢七分七釐夏季應支銀八錢二分九釐四毫秋季應支銀八錢一分二釐冬季應支銀一兩三錢四分八釐五毫

按嘉協右營右哨分防邑汛馬戰守目兵隨時降拔有差無額定名數軍餉總額難以核載又各營餉銀定例每兩搭放一成錢本以俾鼓鑄流通故于各營銀米並從營文第詳撒數

屯田程志屯所二處俱在齊景鄉明制以二百戶領之計旗軍二百二十四名派種本縣田地二十六頃五十二畝內田一十七頃五十四畝六分一釐地八頃九十七畝三分九釐

按志載有坐落各區字圩撒數核對魚鱗冊不符想係國朝清丈之後有所釐改耳茲不及備錄 歲收

子粒不等續奉都察院子字一百三十三號勘合議定每田一畝額徵納米二斗每地一畝額徵納米一斗六升共該糧米四百九十四石五斗四合四勺本色折色均平定額萬歷間丈過共六千八百七十九畝八分二釐內田五千九百八十二畝四分三釐地八百九十七畝三分九釐計丈出屯田四千二百二十七畝八分二釐朱志

國朝康熙十年巡撫都察院范承謨親詣屯所履畝丈量題定

共六千七百五十四畝七分三釐一毫 按張志云統海寧全

屯實止二十六頃 內田五千四百七十六畝六分九毫地一

千一百四十七畝二釐三毫蕩一百二十六畝五分二釐三

毫海四畝五分七釐六毫屯糧海寧衛完辦 海寧衛首伍屯

地四百二十九 畝二分八釐九毫蕩一十六畝六分一毫二伍屯地八十六

畝一分六釐六毫三伍屯田一百一畝六分四釐七毫地四

百四十八畝六分九釐五毫蕩一十八畝八分一釐七毫五

伍屯田五百六十三畝九分八釐九毫七伍屯田一千一百

二十二畝七分四釐九毫蕩九畝三分五釐七毫海四畝五

分七釐六毫九伍屯田一千三百二十八畝九釐九毫十伍

屯田一千二百九十三畝三分一毫十一伍屯田一千六十

六畝八分二釐四毫地一百八十二畝八分七釐三毫蕩八

十一畝七分

四釐八毫

前明倭變

附 按嘉靖間倭犯浙西邑適當其衝自癸丑至丁巳迄無寧歲沈莊之捷渠魁逆黨殲

焉以邑人言邑事益有與正史相發明者高志剛節舊

文失之太簡如馮汝弼劉燾兩記前入所謂一處城而

情真一在師而事確者均畧而不書奚以考信又列于

災祥殊覺不倫茲採籌海圖編及海鹽圖經所載正以

明史增輯成篇

改附海防門

程志纂海外諸國惟倭最桀悍性黠好殺明初方張逋黨在

海中往往糾島人入寇太祖遣使諭之其王上書語多不遜

遂絕之置衛所戍守海防大飭永樂後稍通貢然亦屢作不

靖自四明革互市之司 明史浙江設市舶提舉司以中官主

之駐寧波海船至則平其直制馭之

權在上及嘉靖中撤市舶而瀕海奸人遂操其利初猶商主

之及嚴通番之禁遂移之貴官家負其直者愈甚索之急則

以危言嚇之或又以好言給之謂我終不負若直倭喪資不

得返已大恨而大奸若汪直徐海陳東麻葉輩素窟其中以

內地不得逞悉逸海島為主謀倭聽指揮誘之人寇海中巨盜遂襲倭服飾旗號並分艘掠內地大抵真倭十之三假倭十之七
 三江斷舟楫之路明史明制片板不許入海承平久奸民闌出入勾倭互市歛人許棟踞雙嶼為之主司其質契勢家護持之假濟渡為名造雙桅大船運載違禁物將吏不敢詰也或負其直棟等即誘之攻剽而海防久隳戰哨船十存一二掠輒得志益無所忌來者益眾嘉靖二十六年巡撫朱統採士民言上疏請革渡船從之

于是私通溢出與亡命逋播者誘致侵掠而鯨波數揚氛塵

四起矣

全邊紀畧倭夷入犯隨風所之東北風猛則由薩摩或由五島至大小琉球而視風之變遷北多則犯廣東東多則犯福建正東風猛則由五島歷天堂官渡而視風之變遷東北多則至烏沙門分舩或過韭山海關門而犯温州或由舟山之南而犯定海象山奉化昌國台州正東風多則至李西畧壁下陳錢分舩或由洋山之南而犯臨觀錢塘

或由洋山之北而犯青南太倉或由南沙而入大江則犯瓜儀常鎮或由大洋而風歛東南則犯淮揚登萊若在五島開洋而南風方猛則犯遼陽天津按程志洋山即羊山青南者青村南匯也乍浦在青南錢塘之間故犯此二處者往往

流突而至而羊山尤為邑境之衝要云 其為湖患則自正統七年七月寇乍浦

始明年六月再寇百戶徐榮率官軍路德等戰歿成化中復

寇嘉靖二十四年倭四十餘突至包家埭明年夏漳寇及崇

明寇犯金家灣軍士陳馬兒等死之越二年十月又掠包家

埭此皆倭賊躡乍之小者至三十二年而禍遂劇初許棟據

雙嶼巡撫朱統遣都司盧鏗將福清兵攻其巢棟就禽餘黨

歸汪直改據列表一作瀝表亦稱烈港巡撫王忬遣叅將俞大猷破之

走泊馬蹟潭煽諸倭大舉入寇倭法嚴人皆致死海鹽圖經都督萬表

云向來海上漁船出近洋打魚樵柴無敢過海通番近因海禁漸弛勾引番船紛然往來海上各認所主承攬貨物裝載或五十艘或百餘艘成羣合黨分泊各港又各用三板草撇船不可勝計在于沿海兼行劫掠亂始生矣自後日本暹羅

諸國無處不到又誘帶島倭借其強悍以為護翼徽州許二
 按許二即許棟住雙嶼港最稱強後被朱都御史遣將領兵
 破其巢穴焚其舟艦擒殺殆半就雙嶼築寨汪直亦徽人原
 在許二部下管櫃素有沉機勇略人多服之乃領其餘黨改
 住烈港漸次併殺同賊陳思盼柴德美等船伍遂致富強以
 所部船多乃令毛海峰徐碧溪徐元亮分領之因而海上番
 船出入關無盤阻而與販之徒紛錯于蘇杭近地之民有餽
 時鮮酒米獻子女者自陷黃岩屠霏霽而志益驕其後四散
 劫掠各通番之家則不相犯人皆競趨之杭城歌客之家貪
 其厚利任其堆貨且為之打點護送如銅錢用以鑄銃鉛以
 為彈硝以為火藥鐵以製刀鎗皮以製甲乃布帛絲綿油而
 麻酒米等物無不賫送接濟而內地之民無非倭黨矣
 主名賊帥若徐海麻葉按舊志作葉麻誤從明史核正陳東等據柘林川沙
 窪分擾郡邑官軍望風潰其黨方踵至海亦徽人初為僧即明山和尚後亡命入
 海投直麻葉海書記陳是年四月二日首犯海鹽自竹林廟
 東薩摩洲直弟書記也
 經邑境典史喬登父子率兵壯邀擊遇害生員張洽請兵于府知府劉慈募水

兵沈應奇等應援翌日有流賊名八大王者以四十二人自金山潛

逾而南督守梁莊指揮滿朝率千戶王繼隆百戶楊臣康綬

追及白馬廟力戰死二十一日復寇縣東南境嘉興所千戶曾勇拒之賊轉至乍浦

居天妃宮適新至倭百餘與合勢愈熾備倭把總王應麟率

兵圍之賊給曰我等不敢與將軍戰乞退舍俟潮至願自投

海死諸軍輕信圍稍懈賊以神前長旛編帆絞索突出應麟

不能禦被掠哨船脫去巡撫忤檄叅將湯克寬率邳兵三百

來援二十三日賊數百駕七艘薄乍浦城南索糧食守禦指

揮姚洪度克寬將至佯約降賊因掠附近村落比援師至已

飽颺有遠掠回者四十餘窟高公山負固獨留克寬率所部

平海縣志 卷三 海防

親冒矢石盡殲之乃命應麟守乍而旋師鎮鹽未幾倭大至凡三十七艘圍鹽三日以有備乃揚帆而北分其半由陸克寬登城樓望之顧謂眾曰乍難支矣會大雨應麟下令曰毋擊析試靜聽之有頃賊彌漫四入而城陷應麟僅以身免于戶王鏜父子罵賊死指揮陳善道百戶陳綬冠帶總旗張儒皆死之屠戮淫掠受禍極慘時五月九日也按應麟後逮繫有匿神祠梁上者見賊禱于神卜住不許卜盡殺又不許乃僅掠一日而去當是時縣未建城賊二百餘船六艘泊獨山登岸直抵東湖金家莊署知縣推官殷廷蘭戎服登舟督勇夫捍禦居民皆執木為戈聲震如雷賊駭指曰人城也適松陽知縣

羅拱辰統兵至斬首七級賊棄所掠夜遁金山有賊流至梁

莊居民胡璧家拱辰復會克寬赴勦火其廬勇士吳壽升斬屋逐諸匿賊斬

獲數十餘奔散九月十二日賊船十餘泊天妃宮叅將盧鏜

禦之與克寬分兵布觀山等處大戰斬首四十級松陽葉干戶嘉興沈

隊長等四是日起土築城適破賊識者知賊必死于此十二

月城成是年平湖乍浦各三被寇三十三年三月知縣劉存

義蒞任時海鹽平湖俱中倭患吏部乃選癸丑榜有才名者為二邑知縣海鹽為壺陽鄭茂而平湖則劉存義

倭賊二百餘經乍教場適處州兵四百新調至饑憊應敵敗

績四月賊自松江來寇舟泊東湖存義親立堞間一矢殪其

巨魁遂焚掠廬舍而去五月賊百餘過城西陽墩百戶朱璽

追及于嘉興戰歿二十一日有三十六賊自松江來匿大六
 滙民家叅將張鈇把總樂項與戰皆敗總兵丁僅按海鹽圖倭把總丙辰攝叅將僅由把總陞叅將項代之在乙卯年皆非此年事又僅傳不載任總兵或嘗檄署因而追書其銜耳茲仍其舊統兵來援賊遁追至廣陳獲輜重三艘賊人據小
 營盤巡檢司城堅壘固守僅作木梯可並登十人者凡五具
 攻城賊飛石如雨僅以火藥筒射之賊不能支城遂下賊入
 巡司後堂自分必死斬戰傷者十餘人燔其屍而賊多漳人
 鈇部下漳兵得賊賄伴潰走縱之出獲一賊悉其情僅縛
 四人獻總督張經鞫實斬以徇是年倭陷嘉善入崇德掠嘉
 興督撫大徵兵為進勦計客兵數千守平湖乍浦每日給餉

五分額外增稅每畝出餉至一分三釐沿海之民膏血罄盡
 三十四年正月朔賊奪舟犯乍浦趨海寧陷崇德轉掠村鎮
 二月賊首徐海麻葉自柘林擁眾萬餘先後犯平湖駕船逼
 東門置長梯攻城勢猖甚存義統率鄉兵民壯闔城士女竭
 力守禦生員陸萬鍾張洽叅畫鼓勇人無懈志賊不得間擄
 掠而去四月大倭船八艘犯乍浦五月過東湖巢于華都彭
 于梁家遠近悉被焚劫復由廣陳巢于姚梓家鏜統兵勦之
 斬首七十級餘逃至海濱陷于塗沙而獲籌海圖編賊犯平湖指揮李希賢邀擊俘斬一百二十有奇既而賊益眾攻城月餘始解蓋賊首莊良之踪也是年倭犯嘉興至王江
 涇總督張經督鏜大猷克寬合兵擊之斬首一千九百餘級

爲軍興來戰功第一三十五年二月總督軍門胡宗憲巡歷浙西沿海地遣兵分屯平湖海鹽爲犄角時賊首據柘林衆數萬列柵爲城開厰爲室作久駐計分道出掠三月二十六日海率衆欲取乍浦爲巢存義馳援大勝斬首五十五級翌日自金山而下復萬餘圍乍壞民室爲臺高于城積薪其上覆以青麥順風焚烟熏守卒城幾陷兵備副使劉燾躬督男婦運石擊賊賊稍卻旬日外援不至用健卒泅水從間道馳赴軍門告急四月新巡撫阮鶚兵至圍解燾尾追之斬首一百三十級賊復由乍浦巢于鄰境之呂巷未幾復攻平湖指揮翟文擊之賊退走指揮劉岱預伏潘巷後追至瓦山勝之

先是宗憲爲巡撫時與視師侍郎趙文華勦倭于松江之磚橋敗績文華氣奪乃與宗憲定招撫計令其客寧波生員蔣洲陳可願諭日本國王遇汪直養子激于五島激卽毛海峯也邀使見直直初誘倭入犯大獲利各島由此日至旣而內地官軍頗有備倭雖橫亦多殺傷有全島無一人歸者往往怨直直乃與激及葉碧川王清溪謝和等據五島自保島人呼爲老船主

海鹽圖經直造巨艦聯舫大可容二千八人上爲城樓櫓四門馳馬往來屯薩摩洲之松浦津自

稱徽

王宗憲與同鄉里欲招致之釋直母妻于金華獄資給甚

厚洲等諭宗憲指直心動又知家屬毋恙大喜曰俞大猷絕我歸路故至此若貸罪許市吾亦欲歸耳但日本王已死各

島不相統攝須徧諭乃可杜其入犯因留洲而遣激等護可願歸宗憲厚遇之令立功激遂破倭舟山再破之列表宗憲請于朝賜以金幣縱之歸會海等越皂林出烏鎮戕遊擊宗禮于崇德敗巡撫鶚于桐鄉乘勝圍之宗憲乃遣指揮夏正等持激書要海降海驚曰老船主亦降乎時海病創又飽掠思歸意頗動因曰兵三路進不由我一人也正曰陳東已他有約所慮獨公耳海遂疑東而東知海營有總督使者大驚由是有隙正乘間說下海海遣使來謝索財物宗憲報如其請海乃歸俘二百人解桐圍復巢乍浦初海入犯焚其舟示士卒無還心至是宗憲使人語之曰若已內附而吳淞方有

賊何不擊之以立功且掠其舸為緩急計海以為然逆擊之朱涇宗憲令大猷潛焚其舟海心怖以弟洪來質獻所戴冠劍及他玩好宗憲因厚遇洪諭海縛陳東麻葉許以世爵海果縛葉以獻宗憲解其縛令以書致東圖海而陰泄其書于海海怒其愛妾紫雲翠翹受宗憲賂亦說海于是海復以計縛東來獻按海鹽圖經宗憲遣謀招撫海欲降予官爵欲歸具舟送之海伴諾投降實私營歸計舊志載六月十七日遣使各縣促船限二十五日泊乍浦設浮鋪南北相連十餘里二十九日海行出海口見兵船如蜂聚火炮之聲震海島蓋即圖經所云具舟送之之計也等導燾等掩殺二人之部黨于乍浦大

破之斬首七百餘級焚溺死稱是諸大圭乍浦紀捷嘉靖丙辰秋七月賊徐海陳東之解桐鄉圍而東也陽為聽撫心實狐疑自呂巷新塲移屯乍浦城南營廠絡繹改修舊船以圖出海且窺伺我兵強弱為

其進止總督侍郎胡宗憲策知其計因外示羈縻而密檄副使劉燾圖之會尚書趙公文華再命督察至公乃與定議以乍浦西南海塘可通杭州咨浙福提督都御史阮公鶚偕郎中郭仁副使徐洛總兵徐珏等壁海鹽以遏犯杭之路東北金山可通松江浦東咨直隸提督都御史張公景賢駐松江而參政任環僉事董邦政留守王倫同知熊梓容美土官田九霄等扼青村黃浦及出海之路公親督大兵與參政汪栢參議王詢等駐平湖與賊偪壘而陣總兵俞大猷盧鏜等則以舟師設伏洋山馬蹟邀其歸路分布既定候間而發適上衡急啗海使東出擊賊可得舟還島海以為然果逆斬賊數百賊遂夜走以故海不及取其舟而返其他酋長脫出海者公已別遣大猷伏飛艦海上遮擊之溺且盡公又計海書記麻葉不死無以堅其內附之心而陳東者與麻葉聲相倚桐鄉之役與海相睚眦者也於是又計令海縛麻葉併陳東以獻海遂併有其眾而諸酋長則疑且怨海矣海自度進退無所而公故與趙公薄責海益急因遣謀私海令其誘眾俘斬之以謝可無罪海不得已從之遂與定約公乃令副使劉燾引遊擊尹秉衡兵夜伏乍浦城中而徐珏等兵分為三哨進壁白馬廟左灝等兵由平湖間道而出主簿曹廷慧參將丁

僅等壁乍浦城以為內援至期珏等移營瓦山海果挈妻走海上艘羣倭爭逐之大亂城上舉火我兵四合競進大敗之燒賊巢廠二十餘里時海執稱歸順投梁莊去諸遁出海洋者大猷兵邀擊之前後俘斬七百有奇沒海及焚死者無筭乍浦之賊無孑遺矣夫徐海以首惡煽禍而陳東麻葉等為之犄角勾引外夷侵擾中土受其螫毒者五年矣丙辰春擁眾數萬分道入寇北犯瓜揚阻絕運道東掠寧紹牽制我師聲言欲下杭州犯留都此之曩時倡獫尤甚公相度機宜不輕與爭鋒捐千金賞敢死之士用間誘退呂巷賊艘以伐其深犯之謀復誘令殺賊立功以剪其羽翼之勢禽麻葉禽陳東度其孤危可以取矣猶謂困獸死鬪乃故弃船海濫開一面之缺而卒以遊兵邀之無一得脫者後先下着不爽纖微鳥夷之所以畏服而東南海聽撫宗憲擇便地得沈叅政榮之所以奠安者不以此哉

莊屋東西各一以河為塹居海東莊以西莊處東黨猶慮其

生變日遣通事三四輩慰藉備至海始刻日請親詣平湖降

副使燾議欲放之入城城中士宦慮有變議相左咸繫鍊于

頸走索燾同赴京奏辯燾家兵並騷動閤城闕然宗憲鶚及
 巡按趙孔昭在郡聞報急趨解之未幾尚書文華亦至八月
 初一日海率其黨陣于城外自與酋長百餘胄而人先是限
 是月二日進欵而海故示強梗先期猝至宗憲令諸官兵聯
 屬直抵各衙門盛陳兵器令賊縱觀咸有畏色海叩首呼天
 皇按舊志作星誤命死罪死罪文華及宗憲鶚慰遣之海欲識總督
 通事指之海復欵如初宗憲手摩其頂曰毋更作孽獨孔昭
 震怒不為禮謂汝害我無數百姓當服何罪海俛首伏地久
 之若有退避之狀因開關放出籌海圖編陳東黨既為官兵
死鬪之計胡公知之復令羅龍文童華等往慰之且諷使人
見海猶豫未決龍文宿其營安寢如家海以足躡之覺曰此

虎狼之穴可酣睡若此耶龍文曰我為爾百口且不顧况此
 身耶今爾乃心持兩端何也海曰聞趙必欲殺我恐公不能
 救龍文曰趙公初意如此今也則否海曰焉知非誘我而執
 之耶華曰胡趙二公欲為爾題請封爵使爾專提一旅之師
 捍海上寇若不入見彼何所據以上請也海曰蹈不測之險
 奈何龍文曰我京官也且胡公姻戚爾第入見我則質爾營
 中萬無一失矣海始首肯華既馳報軍門軍門許之為之期
 日謀使復數四約既定海猶慮中變先期而至入見胡趙阮
 三公及巡按趙公孔昭于平湖城中受犒而出謂龍文等曰
 鑿諸軍門之貌吾禍終不免嘆息者久之時官兵四集軍威
 甚盛海偵知之陰收陳東麻葉餘黨謀拒自全胡公復遣華
 往解之海迎謂曰吾以爾言結怨諸倭今軍門既受我降而
 復徵兵漸逼非為我而誰耶叱左右縛華將殺之華大笑不
 止海曰爾尚何言華曰吾笑爾不識人以忠為奸使我枉死
 爾手耳海曰何謂也華曰陳葉二黨尚多且心跡不一今陽
 為附爾實為豫讓之計軍門恐爾入其彀中故遣我相問官
 兵壁近郊者防其變也爾何不悟耶海曰然則如之何華曰
 今沈莊有東西二所爾曷不分其黨各自為巢而密約官兵
 殺之爾後患絕矣海深然之卒初八日海自沈莊遣使抵軍
 用其策由是二黨互相猜疑

門曰願買此宅及田三千畝為贍永願投降不渝前盟宗憲亦令東致書其黨曰督府檄海夕禽若屬矣其黨懼而將攻之十一日海歸計不遂見水陸兵各處戒嚴始悟連和為偽悔散黨勢孤乃以計設酒會鄰徧送飲券三四里間以年高者先民懼不敢往惟比鄰附居者赴焉是日合四十餘人人設一席肴核豐腆結鄉鄰久處之盟各贈金而散次日亦如之壯夫赴席者至二三百人酒半出刀髡其首咸刳為用及宗憲遣使至海執而戮之連和之路自此塞矣十九日海知危在旦夕二鼓遣親密護翠翹等走間道圖遁會東葉黨每夜偵伺不得出永順保靖兵進薄沈莊禽四賊誘斬二十餘

級二十四日宗憲等督諸路主客兵二十餘支

京營神鎗手二千名涿州

鐵棍手六千名保定箭手三千名遼東義勇衛虎頭鎗手三千名河間府義尖兒手三千名德州兵備道民兵三千名臨清曹濮二道團操快手兵三千名河南毛葫蘆兵三千名唯陳兵備道團操馬軍三千名漢州府礮徒三千名永順保靖二司土兵三萬容美等司土兵一萬圍之數重賊發礮以銀塞礮口火發銀如

星飛中人中土中水如雨鳴眾皆不能進翌日辛亥宗憲令

取民家犬數百為羣被以戎服當礮擊使數人持火雜于羣

中驅之以入賊但擊前犬不知火已四發矣官兵乘之斬獲

二千餘級焚溺無噍類

籌海圖編時賊巢甚堅難于進攻義勇劉進首抱火器渡河焚賊巢火熾

賊亂官兵乘之遂大捷進重傷升屋以死惜無父母妻子故其功莫酬焉是日海為讐黨偪殺獲

屍水中會盧鏜亦禽辛五郎至辛大隅島主弟也遂俘洪東

葉五郎及海首獻京師籌海圖編海既敗歿其黨散走一支

盧鏜合兵圍之賊潰走踰桃花嶺度寧波歷鄞奉化寧海與

官兵戰于台州兩頭門把總指揮范某死焉賊突走温州至

江出海為鏜兵所滅其得脫走者突登慈谿伏龍山阮興率

兵滅之九月朔設宴百席奏凱論功行賞加秩有差明年直亦

降詔斬于省城浙西倭患悉平馮汝弼當湖勦寇紀事嘉靖

山和尚大合賊黨及倭奴數萬由乍浦趨桐鄉攻圍甚急巡

撫阮公守禦數月幾不可支時梅林胡公以兵部侍郎總督

軍務未閱月也兵僅二千餘勢難與敵乃陽示招撫為緩賊

計海果就撫解圍其黨陳東獨與海異然以勢孤旋亦引去

復合于乍浦公知賊有隙也遣人間于海曰若誠降必執首

首麻葉來海即執麻葉獻適尚書趙公文華已領兵至公復

遣人間于海曰若誠降必執首首陳東來海即執陳東獻余

入賀曰徐海信不負公矣胡曰海不負我我欲負海耳余以

是知公之終必勦海也公謀秘人鮮有知者公復遣人間于

海曰天兵靖亂非立大功無以自贖海因給眾陽為聽撫而

陰約我軍乘其懈擊之公令預泊敵舟數十艘于海灘行兵

備劉公潛入乍浦城覘賊知諸倭疑海有賣眾歸降意咸伺

海海不得自出入劉公曰賊心離矣幾不可失也約諸路兵

城上舉火齊發先是阮公督諸路兵伏各要害處諸路兵見

城上火起爭趨奮擊海挈妻妾率精銳二千餘人循城來賊

遂潰我軍追殺斬首七百餘級餘賊爭奔海舟自相殺蹂踐

溺死者甚眾海率眾由梁莊入據沈家莊去縣治僅十餘里

眾心洶洶且驚且懼公羈縻之間諜往來不絕未幾海率黨

二百餘人詣公降時趙公阮公及巡按趙公俱在座賊介而

入弦弓藥銃勢甚猙獰一見即復去公亦不復留也邑人轉

驚懼若不可一朝居者一日公及阮公邀巡按趙公過余山

園登山亭盡屏諸從人議勦賊事聞是議者惟東滙呂通政

及余耳趙公曰賊名雖降我觀其情狀抗我也不能勝不若姑少待

大患公謂賊黨方固我兵不精勦之必不能勝不若姑少待

謂余曰公家此地利害切身必有定見余曰僕山野之人安

敢與廟堂之計然僕家此地得此賊早離此地一日則此地

離此地乎公舉以安耳趙公惻然謂公曰能五日內驅此賊使

能驅之蓋海之聽撫質其弟洪于公公處之嘉興尚書趙公

平海集卷三 海防

斷其于大指故云趙公沉思久之曰公前奏海已降今縱能
驅之外地倘遁歸海島朝廷有處分將何以復命公又曰不
若姑少待之蓋欲為萬全之舉也是日設宴于聚樂草堂酒
數行即罷志有在也海所據沈莊有新舊二宅海居舊宅是
為東巢陳東麻葉之黨居新宅是為西巢公遣人間海使攻
西巢以自効海猶豫未決公復使人遺金珠美飾于海愛妓
翠翹紫雲者翠翹紫雲日夜勸海攻西巢以自効也海以罪
重恐西巢既復東巢亦所不免尚在遲疑使人洩其謀于西
巢西巢之賊始相疑懼離心于海矣適永保兵至公遂欲大
舉為擣巢之計乃協謀于尚書趙公及阮公督諸軍齊發公
親履行陣尚書趙公及阮公俱駐軍中隨宜經畧而兵備劉
公獨率驍勇先登先是西巢之賊疑海之圖之也悉奔東巢
以制海海亦知西巢一賊之疑之也居其眾于外舍而擁兵
自衛由是互相疑忌不為戰守備劉公率眾直抵賊巢賊有
格鬪者輒射却之乃舉火焚巢時東南風急煙焰蔽天賊莫
知所措我軍齊進斬首一千四百餘級焚溺死者不知其數
廣兵名海底鬼者獲海屍于洪水中蓋二千餘賊殲焉無一
人得脫者時八月二十五日也海之為禍首尾五年方數千
里生民咸遭其毒殺害諸路官兵不可勝計而殲于吾邑公
之運籌決策固自有成筭而吾邑人心效順于公山川鬼神

其亦有以識公之忠誠而默相之與見只編倭賊徐海內証
吾郡受禍最酷沈莊之捷亦用兵一大捷然籌海圖編所載
不詳偶得兵憲劉公燾所著沈莊進兵實錄一篇節其文以
著其實嘉靖三十五年七月二十九日徐海敗走梁莊遂于
八月初一日率倭一百五十餘人詣平湖城乞降軍門納其
降而厚賚以歸爇性狡猾以擄掠為食者也至是則縱之乎
抑禁之乎抑官府為之供給乎不數日提督趙公總督胡公
遂下令郭郎中會劉兵備燾議處適聞永保兵將至遂上進
兵之議賊覘知之即于八月十六日舉旗放火分據沈家莊
新宅以為西巢徐海盤據沈家舊宅以為東巢相去約有三
里周圍水遠數重折所在民舍板片沿牆起蓋敵臺本月十
八日永保之兵始至平湖十九日各軍門下令曰二十日子
時放炮三個起火三枝催督各兵一齊進戰至二十日西路
永順之兵止可達于黃泥堰去巢尚有數里東路保靖之兵
止可至廣陳去巢尚有二十里南路直隸之兵止可下梁莊
且隔水數層至二十一日以永順彭翼南之兵分為三哨以
攻其西北保靖彭蓋臣之兵分為三哨攻其東北容美司田
九霄之兵山東參將唐玉直隸總兵徐珏參將左灝之兵攻
其東南山東遊擊尹秉衡河間守備朱廕河南守備夏時本
地參將丁僅把總樂墳之兵攻其西南各路期以舉火為號

過水搭橋而進本日午時輕兵哨近西巢不及一里賊有四
百餘人執旗揚兵劉登房觀望尚隔水港二道至晚各散回
營諸兵尚在五七里之外屯住至二十二日劉同巡撫阮公
復至前地察賊虛實永順等兵見得巡撫親臨亦至前地屯
劉乘馬率家丁五十餘人又越一水去巢不及一箭之地
尚隔一水賊有五七十人出巢迎敵當被箭砲射打即時退
入牆內劉督令水兵王三先行浮水放火巢外草房盡行延
燒將大發砲十三座排列水邊或打敵臺或打門牆聲勢振
天賊止沿牆探頭而望至晚將承順兵誘至此地安營二十
三日督兵搭橋過水以搗西巢先差承順兵過水踏路有賊
百十餘人一擁衝出將兵衝為三股賊分三路追趕去巢約
有三百餘步劉率箭砲官兵同尹遊擊從旁衝擊賊方退敗
回巢各兵又復追回止斬獲賊首三顆劉見官兵單弱恐賊
再出即督土兵策應更無一人肯渡水者天已近晚復將前
兵據水屯劉至二更時分哨者報各賊下船出巢彼時天色
昏暗且係各處雜集之兵彼此素不相識萬一驚詐必至敗
溺此時有兵難遣惟靜以應之及至哨者為報曰賊奔東巢
矣方敢發輕兵五七十人尾後斬獲首十二顆而各營尚未
知也至天明二十四日先將西巢焚燒去東巢尚隔二水復
督前兵搭橋過水而東巢賊之火器猶多南門安架發砲諸

兵莫敢近前劉同尹遊擊率輕兵五十七人親詣南門被賊
向劉放一砲其鉛子去劉不遠尺餘入土尚滾三五尺劉即
向賊連箭三賊即棄砲追入門內各兵方敢挨次而進彼時
天色將暮復喚承順把總田有年等曰此地去賊止隔一水
夜晚切不可搭橋恐我之所入即彼之所出且依水為險至
天明二十五日密約直隸山東之兵鼓噪而前南面之兵砲
火連天而進承順北哨恐南軍先進即爭先而至牆下矣一
哨之兵既進則西北各路之兵一擁俱至牆下賊即奔至巢
內彼時賊不敢出兵不敢入隔牆拋打磚石劉即下令攻賊
敵臺賊即棄臺則西面三臺盡為我兵所得遂由臺登牆由
牆登房牆下之兵始得由牆孔而入即斬首數十將發砲奪
獲並徐海之妻擒出賊即東潰以衝東北保靖之兵連却二
陣幸有郭郎中在營復催唐參將徐總兵等率箭砲攻打賊
復入巢保靖兵亦得挨至牆下彼時東南風甚急遂縱火燒
房煙焰蔽天西北房上之兵為煙火所逼各下牆躲避兵疑
為賊衝出轟然大潰各兵奔有半里之外回視旗鼓不移方
住劉請軍門旗牌欲綁丁叅將以申軍法各兵稍定又有浙
直水兵乘勢入巢竊取財物又復驚潰各兵又退三五步
之外回視旗鼓不移復住如是者三不見一賊追出劉曰此
非賊也兵也互報賊以爭利耳遂將水兵攔住不放一人入

巢自辰至未西面斬首七百有餘東面斬首三百有餘至日
 將晚不見徐海巡撫阮公亦至陣首劉請過水把總田有年
 急來報曰此夾牆內尚有百賊短兵不能相接可請砲箭手
 三四十來射打劉卽時令丁叅將尹遊擊共發砲箭手四十
 八入巢射打賊卽退敗土兵曰我自取首級不用你了各兵
 一回賊卽乘其退勢鎗刀直上兵又大敗越牆越屋拚死而
 逃遂由西夾牆向南吶喊衝來劉正在西南牆下卽時放砲
 吶喊鼓噪而前賊遂由牆而東以衝南門容美之兵又復敗
 走所幸南門原係船搭浮橋方過而船卽脫矣賊不能渡劉
 復催承順之兵二千從後追之賊見兵追慌懼下水兩岸夾
 擊一時斬首二百餘級此時海亦為水中之鬼及至收兵
 天已昏黑首級不及驗看明晨查驗至左哨土兵海底鬼已
 得徐海之首矣次日遍搜賊巢斬首一千四百有餘焚死者
 一千二百有餘人皆曰沈莊之捷而其所以捷者賊計拙而
 兵力不齊耳使當時賊若乘夜以亂三軍合力以衝一而我
 兵雖有三萬之衆分為四面之圍當鋒于一路者亦不過一
 二千人耳彼豈能盡為釜中之魚乎愚故
 曰沈莊之捷者人也而其所以捷者天也

平湖縣志卷三

終

